

公

羊

義

疏

皇清經解續編卷千三百二十一

南菁書院

公羊義疏三十三

句容陳立卓人著

僖十七年盡二十一年

十有七年春齊人伐英氏注稱氏者春秋前黜稱氏也伐

國而舍氏言之者非主名故伐之得從國舉疏杜云英氏楚

古英氏城在六安州英山縣東北注稱氏至氏也○史記

楚世家成王二十六年滅英徐廣曰年表及他本皆作英明

本稱英則稱氏者為黜稱矣惟成王二十六年當魯僖十四

年時英已滅齊徐無為伐之或復為楚封與注伐國至國

舉○舊疏云若其主名即爵等是也校勘記出舍氏云宋本

同閩監毛本舍作舍按舍氏言之者猶言連氏言之也通義

云齊稱人者齊侯在會則遣徵者往伐徐稱人者以國不若

氏氏不若人從伯主討蠻夷不可退其等於所伐者下故得

進之也按徐已貶於婁林示法故此仍補其故稱也

夏滅項疏州府項城縣東北六十里有故項城水經注潁水篇

公羊義疏三十三

穎水自堰東南流逕項縣故城北春秋僖十七年魯滅項是矣道元用左傳故謂魯滅項漢書地理志汝南郡項下云故國寔字記項國在陳州項城縣北一里

孰滅之齊滅之注以言滅知非內也以不諱知齊滅疏穀梁傳曰

孰滅之桓公也○注以言至內也○舊疏云正以春秋之例內大惡諱今言滅知非內矣通義云承上伐英氏之師也左

氏云魯滅彼未知內諱不言滅之義爾按此亦適承上有伐英氏文故知為齊滅亦沒文不沒義之意也○注以不至齊

滅○舊疏云春秋之例為賢者諱故上十二年楚人滅黃不為諱今諱不言齊人故知齊滅之按如舊疏注義未明不字

當衍文何意謂不諱滅故非內滅不出滅曷為不言齊滅之國主名與楚滅黃之屬異知為諱為齊也

注掃齊師滅譚疏足注以覆滅人之惡故滅譚滅遂並書也

為桓公諱也春秋為賢者諱疏穀梁傳曰何以不言桓公也

而滅之乎桓公知項之可滅也而不知己之不可以滅也凡諱者皆在濼貶之科為賢者諱為賢者不隱有此惡為善不

終聖人惡而為之諱也通義云蕭楚曰襄公十年諸侯會吳于柤夏五月甲午遂滅偃陽今滅項不言遂知其諱文也為

賢者諱非以其賢而諱之將以成其義全其功以垂訓後世此撥亂之志也齊桓之功著矣齊桓之事終矣而又昧此一舉故不斥著其惡而為之有逕避之文者以其有衛中國之功且示善善樂其終也嗚呼非實為齊桓諱也彼後人於此有逕避之辭以見其不善焉而為善者勉之令終也然文微而實不沒也此滅人之國何賢爾君

子之惡惡也疾始注絕其始則不得終其惡疏釋文惡惡並如字一讀上

鳥路反穀梁傳曰既滅人之國矣何賢乎君子惡惡疾其始

謂疾其初為惡之事不終身疾之意謂人有惡事唯疾其初

始為惡不終身疾也有惡則疾無惡則止不念舊惡之意按

以下善善樂終義對舉則當如何意謂絕其始則善善也樂

不終於惡防微止漸之義故武子亦本何為說

終注樂賢者終其行疏穀梁傳曰善善樂其終與公羊同

者終其行也亦取何義為說又引邵曰謂始有善事則終身

善之意謂君子嘉善人則欲終身善之不忘樂道人之善之

意與諱滅項桓公嘗有繼絕注立信公也疏注立信公也

之義少差也高子將南陽之甲立信公而城魯是存亡之功注存邢衛杞

也穀梁注引邵曰繼絕謂立信公

疏注存邢衛杞。上元年齊師以下救邢又城邢二年城楚  
不數杞者意謂曰諸侯為散辭桓德衰矣其實非齊  
桓倡率城杞諸侯未必有緣陵之舉故仍為桓功 故君子

為之諱也注言嘗者時桓公德衰功廢而滅人嫌當坐故上

述所嘗盛美而為之諱所以尊其德彰其功傳不言服楚獨

舉權絕存亡者明繼絕存亡足以除殺子糾滅譚遂項覆終

身之惡服楚功在覆篡惡之表所以封桓公各當如其事也

不月者桓公不坐滅略小國疏穀梁傳曰桓公嘗有存亡繼

注言嘗至其功。通義云明既有此功乃得覆惡併解滅譚

遂不諱意也朱勃所謂春秋之義罪以功除按嘗者曾也會

所盛美知今不然君子善善樂其終故本前而為之諱也漢

書陳湯傳劉向上疏曰昔齊桓公前有尊周之功後有滅項  
之罪君子以功覆過而為之諱又田廣明謂杜延年曰春秋  
之義以功覆過皆謂此。注傳不至事也。校勘記出名當  
云閔隘毛本同鄂本名作各是也服楚者上四年傳曷為再  
言盟喜服楚也是也殺子糾滅譚遂見莊九年十年十三年

舊疏云以繼絕除殺子糾以存三亡國除其三滅故云覆終  
身之惡其服楚功在覆篡惡之表者謂莊九年齊小白入于  
齊書入為篡辭故服楚功大始足覆篡大惡為其有尊周室  
安諸夏大功不僅三繼絕存亡也故論語孔子美管仲亦以  
一匡天下民到於今受其賜微管仲吾其被髮左衽為辭也  
○注不月至小國○決莊十年滅譚莊十三年滅遂書月故  
也時齊桓功未足覆滅人之惡也此桓公不坐滅故不月又  
兼略小國也舊疏云言滅國例書月者惡其篡而罪之按坐  
滅即書月不必原其篡與否春秋滅例月其不月或書日者  
皆有為如隱十年宋人衛人蔡人伐鹹鄭伯伐取之注不月  
者移惡上三國上五年冬吾人執虞公注不從滅例月者略  
之襄六年莒人滅鄆注不月者取後於莒非兵滅僖二十五  
年春王正月丙午衛侯燬滅邢注日者為魯憂內錄之宣十  
五年六月癸卯晉師滅赤狄潞氏注日者痛錄之襄十年夏  
五月甲午遂滅偃陽注日者甚惡諸侯不崇禮義疾錄之昭  
八年冬十月壬午楚師滅陳注日者疾詐護滅人十一年冬  
十有一月丁酉楚師滅蔡注日者疾諛滅人是也夷狄滅微  
國不月昭十三年吳滅州來注不月者略南夷故此不月亦  
從略也劉氏逢祿解詁箋云何君云凡諱者從實為桓諱滅  
項正之使不得若行所以強伯義春秋功罪不相掩以功覆  
惡而褒封之非所聞也不月略小國是也桓公不坐滅失之  
按以功除罪兩漢經師多有是說功罪不相掩何必為賢者

諱若主謂略小國則譚遂書月豈皆大國耶劉說非是通義云不月者已諱嫌滅國不為大惡故降從楚狄滅國例見責略之按孔說可補何義所未備

秋夫人姜氏會齊侯于卞疏杜云卞今魯國卞縣大事表云在今兗州府泗水縣東五十里水經

注泗水篇泗水出魯卞縣北山西逕其縣故城南春秋襄公二十九年季武子取卞曰聞守卞者將叛臣帥徒以討之是也漢書地理志魯國卞下云泗水西南至方與入沛師古曰卽春秋夫人姜氏會齊侯于卞是也一統志卞縣故城在兗州府泗水縣東五十里差繆略云卞公羊左氏或作弁接弁尙之或體字卞別體也今本及石經皆作卞矣

九月公至自會疏穀梁注云桓會不致而今致會桓公德衰威乃反故往還皆月危之何氏無說當如彼解

十有二月乙亥齊侯小白卒疏校勘記云唐石經十上有冬字諸本誤脫按去冬字何氏無說

明冬為脫文乙亥為十二月之九日

十有八年春王正月宋公會曹伯衛人邾婁人伐齊注月者與

襄公之征齊善錄義兵疏左氏穀梁無會字按三傳釋文俱疏無說公羊此經會字衍文通義云曹伯上僖有會字誤○注月者至義兵○侵伐例時故解云與襄公征齊義具下左傳云納孝公亦無貶辭唯穀梁謂非伐喪非

夏師救齊疏通義云穀梁云善救齊也非也宋儒且謂凡書救亦不可兵苟不義攻伐不可救守不可若齊之事乃伐者義救者不義耳按以史記左氏事證之雍巫寺人貂共立武孟太子昭奔宋五公子各樹黨爭立相攻故宋襄伐之正也

五月戊寅宋師及齊師戰于廩丘齊師敗績疏包氏慎言云五月

六日也經正月書宋襄公之伐齊而書戰于五月據傳云齊桓公死豎刀易牙爭權不葬故伐之則宋之伐齊兵以不葬舉桓公以十二月卒春正月非葬期期在四月四月之十五日為戊寅似經文伐戰連書故首發傳云戰不言伐此其言伐何宋公與伐而不與戰也簡策偶差故日月因之俱誤耳按廩丘寅為四月之十四日六月之十五日杜云廩齊地大事表在今濟南府治歷城縣界



戰不言伐此其言伐何宋公與伐而不與戰故言伐疏云戰

不言伐者莊十年師解故難之通義云以伐言公戰言師知

不舉重者非直為曹衛邾婁不與戰而已舊疏又云謂宋公

但與伐不與戰故不春秋伐者為客伐者為主疏校勘記云

得舉重是以兩舉之春秋伐者為客伐者為主疏唐石經原

刻作春秋伐者為客而不伐者為主後磨改同今本按莊二

十八年傳春秋伐者為客伐者為主注伐人者為客讀伐長

言之見伐者為主讀伐曷為不使齊主之注據甲寅衛人及

齊人戰疏見莊二十八年與襄公之征齊也疏穀梁傳言

注引廢疾云戰言及者所以別客主直不直也故文十二年

非所以惡宋也即言及為惡是河曲之戰為兩善乎又穀梁

以河曲不言及略之也則自相反矣鄭君釋之曰及者別異

客主耳不施於直與不直也直不自在事而已後兵則客

直宣十二年夏晉荀林父帥師及楚子戰于邲晉師敗績是

也兵不義則上人直莊二十八年春衛人及齊人戰衛人敗

績是也今齊桓卒未葬宋襄欲興伯事而伐喪於禮尤反故

反其文以宋及齊即實以宋及齊明直在宋邲之戰直在楚

不以楚及晉何耶秦晉戰于河曲不言及疾其亟戰爭舉兵

故略其先後劉氏廢疾申何云邲之戰晉楚皆客也即楚獨  
為客亦不當以楚及晉內外之辨也故變例以大夫敵君起  
之凡書及皆與為主辭以客為主則宋襄直矣伐齊以定亂  
于喪無薄也春秋以嫌於伐喪故變文以起之惡宋之說於  
義反矣按以史記左傳證之襄公伐齊為與襄公之征齊  
主為定亂不祥以伐喪為責故為與辭

注据齊桓公霸者猶不與征衛疏注据齊至征衛○即莊二  
以衛為主也彼注云戰序上言及者為主是也桓公時  
伯業已興再會于郵再會于幽猶不與為主故据之桓公

死豎刀易牙爭權不葬為是故伐之也注不為文實者保伍

連率本有用兵征伐不義之道疏校勘記出豎刀云釋文唐

齊世家云初齊桓公之夫人三曰王姬徐姬蔡姬皆無子桓  
公好內多內寵如夫人者六人長衛姬生無詭少衛姬生惠  
公元鄭姬生孝公昭葛麻生昭公湣密姬生懿公商人宋華  
子生公子雍桓公與管仲屬孝公於宋襄公以為太子雍巫  
有寵於衛共姬因宦者豎刀以厚獻于桓公亦有寵桓公許  
之立無詭管仲卒五公子皆求立冬十月乙亥齊桓公卒易  
牙入其豎刀因內寵殺羣吏而立公子無詭為君太子昭奔  
宋桓公病五公子各樹黨爭立及桓公卒遂相攻以故宮中

空莫敢棺桓公尸在牀上六十七日尸豷出於戶十二月乙亥無詭立乃棺赴辛巳夜斂殯注引賈逵曰雍巫雍人名巫易牙字是其爭權不葬事謂與諸公子爭也世家又云孝公元年三月朱襄公率諸侯兵送齊太子昭而伐齊齊人恐殺其君無詭齊人將立太子昭四公子之徒攻太子太子走宋宋遂與齊人四公子戰五月宋敗齊四公子師而立太子昭是為齊孝公宋以桓公與管仲屬之太子故來征之與左傳略同說苑尊賢云桓公得管仲九合諸侯一匡天下聖朝周室為五霸長失管仲任豎刁易牙身死不葬尸流出戶一人之身榮辱俱施何者其所任異也保傳記亦有是語呂覽知接篇云蒙衣袂而絕乎壽宮滋流出於戶上蓋以楊門之扇三月不葬韓非子二柄篇桓公藏流出戶而不葬管子戒篇公死七日不斂九月不葬蓋五公子之爭起於易牙豎刁之立無虧故特舉也通義云公子昭貴當立而豎刁欲立公子無虧易牙欲立公子雍故爭權也征之言正也齊亂無正善襄公能正之其云易牙欲立公子雍左傳史記皆無此語○注不為至之道○隱二年莒人入向注云諸侯擅興兵不為大惡者保伍連帥本有用兵征伐之道故襄公征齊不必實與文不與也舊疏云其為文實者即上元年齊師以下救邢傳云君則其稱師何不與諸侯專封也曷為不與實與而文不與文曷為不與諸侯之義不得專封也諸侯之義不得專封則其曰實與之何上無天子下無方伯天下諸侯有相滅

亡者力能救之則救之可也其二年城楚丘之下亦發此傳此不發此公也其稱師何不與諸侯專征云云者正以諸侯本無專封之道故元年二年經皆爲文實以保伍連帥本有用兵征不義之道不得以宋公稱師也按如傳義宋公與伐而不與戰亦不得稱爵故亦不得責不與諸侯專征也

狄救齊疏

通義云穀梁又云善救齊也尤非也所善在此而進之於伐衛爲說甚曲按春秋如進狄則當稱人今如

本稱無善辭也

秋八月丁亥葬齊桓公疏

包氏慎言云八月書丁亥月之二十

八月無丁亥時蓋閏八月也按當二十五日隱三年傳過時而日隱之也謂痛桓公賢君不能以時葬也齊世家云以亂故八月乃葬注皇覽曰桓公冢在臨淄城南十七里所蓄水南正義引括地志云齊桓公墓在臨淄縣南二十一里牛山上亦名鼎足山一名牛首峒一所二墳皆永嘉末人發之初得版次得水銀池有氣不得入經數日乃牽犬入中得金蠶數十傳珠襦玉匣棺絲軍器不可勝數又以人殉葬骸骨狼籍也

冬邢人狄人伐衛注

狄稱人者善能救齊雖拒義兵猶有憂中

國之心故進之不於救時進之者辟襄公不使義兵壅塞而繁露滅國下云桓公卒豎刁易牙之亂作邢與狄伐其同姓取之其行如此雖爾庸能親爾乎是君也其滅於同姓衛侯燬滅邢是也○注狄稱至進之○穀梁傳狄其稱人何也善累而後進之唯彼謂伐衛所以救齊與此異通義云狄稱人者衛棄禮義剪滅同姓邢初為狄所滅今狄憐然親邢與其謀衛難有憂中國之心故進之又因以抑衛也按滅邢事在二十五年何為於此逆責衛安知衛之滅邢非即由此起鮮則狄之憂邢乃所以敗邢也故前此邢衛未有兵交此後則十九年衛伐邢二十年齊狄盟于邢謀衛難馴至於滅是其明驗何得反進狄乎何君善狄救齊者善夷狄者不能備責狄亦安知齊宋之直否但見齊為宋敗即與師救齊尙有不畏疆禦之義有憂中國之心故春秋即如其意與之所謂善善從長不求備焉○注不於至壅塞○狄救齊時設有與衛則與宋襄義刺謬也殺梁於狄救齊善之於此又言伐衛所以救齊注引廢疾曰即伐衛救齊當兩舉如伐楚救江矣又傳以為江遠楚近故伐楚救江今狄亦近衛而遠齊其事一也義異何也鄭釋之曰文三年冬晉陽處父帥師伐楚救江兩舉之者以晉未有救江文故明言之今此春宋公曹伯衛人邾人伐齊夏狄救齊冬邢人狄人伐衛為其救齊可知故省文曰事同義又何異劉氏巾何云狄救齊後未聞衛又

伐齊也何救之有卽伐衛以救齊是爲緩也代楚救江無救於滅故致其意而責之豈曰功近德遠乎以此進狄稱人是開趨易避難之路非春秋貴誠之道矣按何氏於廢疾駁伐衛救齊之說而此注又以狄稱人爲善能救齊者謂狄於上能救齊故於此進之非謂此時之伐衛爲救齊也其不於救時進之所以辟襄公義兵也本自無妨況與宋伐齊者非衛一國何獨伐衛以爲救齊乎

十有九年春王三月宋人執滕子嬰齊注名者著葵丘之會叛

天子命者也不得爲伯討者不以其罪執之妄執之所以著有罪者爲襄公殺恥也襄公有善志欲承齊桓之業執一惡

人不能得其過故爲見其罪所以助賢者養善意也月者錄

責之疏

注名者至者也○上九年諸侯盟于葵丘傳云桓公

震而矜之叛者九國滕蓋與厲同爲九國之一者也此何氏當別有所據○注不得至執之○上四年齊人執陳袁濤塗傳云稱侯而執者伯討也稱人而執者非伯討也今此不稱爵故知不得爲伯討蓋未以叛命罪執之也○注妄執至意也○解經書名義也不以其罪執仍稱名以著叛天

子之命為襄公殺妄執之恥故也春秋於宋襄自上九年宋公禦說卒不書葬至下二十三年宋公慈父卒不書葬中間盟曹南稱人宜申獻捷不言捷乎宋皆深為之諱為其有志行伯尊周攘楚憂中國功雖不成聖人不憚其詞重言復與之所謂重義不重事也○注月者錄責之○正以執例書時上四年夏齊人執陳袁濤塗五年冬晉人執虞公是也今此書月故解之責之者責其執不以罪也通義云宋稱人者惡其專執也此盟主執諸侯之始特錄王月以王法正之以下執悉不月然則襄十六年三月晉人執莒子邾婁子十九年三月晉人執邾婁子皆書月者彼皆不蒙月且晉平非伯主又不在此錄責之例故知例時此月為深責之也

夏六月宋人曹人邾婁人盟于曹南注因本會于曹南盟故以

地實邾婁說在下疏校勘記云唐石經諸本同左氏穀梁作曹尋背盟不服邾婁執用鄆子亦為不從約束伯功未成故人之也大事表云曹南曹之南鄙今曹州東南八十里有曹南山又云曹南風蒼兮蔚兮南山朝陽毛傳云南山曹南山也今曹縣南八十里有曹南山范氏謂曹之南鄙是也杜注孔疏以會于曹南謂在曹之都者非是一統志云曹南山在曹州府曹縣南八里○注因本至在下○舊疏云言此盟之

前相與會于曹南其實此盟在邾婁故云實邾婁也說  
在下卽下注云不於上地以邾婁者深爲襄公諱是也

鄆子會盟于邾婁按勘記出鄆子會于邾婁云唐石經宋本

言會盟何知無  
盟者有奪文也

其言會盟何注據外諸侯會盟不錄及曹伯襄言會諸侯

注據外至諸侯○下二十八年曹伯襄復歸于曹遂會諸侯

圍許是也舊疏云舊本皆無及字言外諸侯會盟不錄者正

以竟春秋上下無外諸侯會盟之文若存及宜下句讀之按

傳執會盟問有二義一問鄆子不宜獨與邾婁會盟一問不

言會盟于諸侯謂後會也注說與會伐宋同義君不會大夫

上曹南之諸侯也

刺後會者起實君也地以邾婁者起爲邾婁事也不言君者

爲襄公諱也魯本許嫁季姬於邾婁季姬淫泆使鄆子請已

而許之二國交忿襄公爲此盟欲和解之既在會間反爲邾

婁所欺執用鄆子恥辱加於宋無異故沒襄公使若微者也



不於上地以邾婁者深為襄公諱使若不為邾婁事盟而邾

子自就邾婁為所執者也上盟不日者深順諱文從微者例

使若下執不以上盟為辨也會盟不日者言會盟不信已明

無取於日自其正文也疏通義云不言如會者未至曹南也

而為所要執也邾婁在曹東邾西將如曹南道出其國按似

諸侯會曹南後就盟于邾婁邾子不及會遂如邾婁就盟也

非必為所要執也注說與至同義○莊十四年春齊人陳人

曹人伐宋夏單伯會伐宋傳云其言會伐宋何後會也彼注

云本期而後故但舉會書者刺其不信○注君不至君也○

莊九年春公及齊大夫盟于暨傳曰公曷為與大夫盟齊無

君也然則何以不名諱與大夫盟也使若眾然又莊二十二

年秋及齊高偃盟于防傳曰曷為不言公諱與大夫盟也是

君不為大夫也君不為大夫而經刺後會無信故知上曹南

之會為宋公曹伯邾婁子之屬矣○注地以至事也○下二

十八年公會晉侯以下盟于踐土陳侯如會此亦宜言邾子

如會矣而云如邾婁故云起為邾婁事也邾婁事在下○注

不言至者也○解上曹南會書宋人等故也上十四年季姬

及邾子遇于防使邾子來朝傳云邾子梶為使平季姬來朝

內辭也非使來朝使來請已也注使來請娶已以為夫人魯  
不防正其女乃使要遮鄆子淫泆使來請已與禽獸無異即  
此所云魯本詩嫁季姬於邾季姬淫泆使鄆子請已而許  
事也潛研堂答問曰季姬許嫁邾婁何氏何以知之曰白虎  
通嫁娶篇春秋伯姬卒時婦季姬更嫁鄆春秋譏之此必公  
羊家說僖九年伯姬卒十四年穆季姬遇鄆子十五年季姬  
歸于鄆蓋季姬本伯姬之婦不欲為婦於邾婁而使鄆子請  
己為適故季姬歸鄆而二國之交惡始於此其說是也襄公  
本欲和解邾婁與鄆反為所欺者按左傳曰宋公使邾文公  
用鄆子于次雎之社欲以屬東夷其時宋襄方疆邾婁必不  
敢擅用鄆子於會問必邾婁以屬東夷等詞煽誘宋公因假  
宋襄之命執用鄆子故云反為所欺也宋襄以伯主之威受  
欺小國無異辱及于宋故諱之使若微者會盟爾所以不稱  
君沒其公文也會問鄂本會誤人○注不於至者也○舊疏  
云上經云盟于曹南者實是盟于邾婁故以此解之所以不  
於上經地以邾婁者深為襄公諱使若不為邾婁事盟而鄆  
子自就邾婁為所執者也按此亦盈乎諱之義○注上盟至  
辨也○隱元年九月及宋人盟于宿注微者盟例時不能專  
正故責賂之此月者隱公賢君雖使微者有可采取故錄也  
此順諱文故從賢君使微者例書月也若其不諱直書宋公  
則宜書日正以不信日盟事未訖邾婁人即戕鄆君不信之  
尤者也從微者例則下文之執似與上盟不同事可不上

盟為辨也。○注會盟至文也。○校勘記云：已明毛本明誤盟。舊疏云：正以春秋之例不信者，日故也。言自其正文也者，謂既言會盟，卽是不信之。正文不勞書日，以見。

己酉邾婁人執郕子用之疏。包氏慎言云：六月書己酉月之二

王篇為其象人而用之也。彼雖非用生人，此用之云者，猶彼用之之用也。

惡乎用之用之社也。其用之社，奈何蓋叩其鼻以血社也。注

惡無道也不言社者，本無用人之道，言用之已重矣。故絕其

所用處也。日者魯不能防正其女，以至於此，明當痛其女禍

而自責之。疏。校勘記出：血社云：唐石經諸本同。周禮肆師注

之者，何蓋叩其鼻以血社也。惠士奇云：山海經東山經祠毛

用一犬，肅社注云：肅音餽，以血塗祭為社也。公羊傳：蓋叩其

鼻以社者，豈社也。日者用重于執也。與用世子有同例。公羊古

義云：血當為頤，壞字也。穀梁作頤，社山海經云：祈社用血。郭

璞云：以血塗祭為社也。公羊傳云：蓋叩其鼻以社，音鈞，餽

之餌禮說曰以牲告神欲神聽之曰聃蓋兼取脾膏故耳从  
血用祈神聽故聃从申說文刀部刳下段注云周禮士師職  
凡刳珥小子職作珥祈肆師職作祈珥按鄭讀珥皆爲餌云  
作刳珥爲正字刳珥者豐禮之事用牲毛者曰刳羽者曰珥  
小子珥於社稷刳於五祀謂始成其宮兆時也雜記云雍人  
舉羊升屋自中中屋南面封羊血流于前乃降門夾室皆用  
雞其珥皆于屋下割雞門當門夾室中室是刳珥之事也許  
云割傷者正謂此禮不主於殺之但得其血塗祭而已血部  
無珥字蓋許依經作珥雜記注曰珥謂將刳割牲以豐先抵  
耳旁毛薦之是也周禮注引此作珥社故惠氏以今本血爲  
珥之壞字山海經注引此作聃社亦讀如珥字異義同聃蓋  
从神省耳又按肆師職云及其祈珥注故書祈爲幾杜子春  
讀幾當爲祈珥當爲餌元謂祈當爲進禮之禮珥當爲餌禮  
餌者豐禮之事據雜記說成廟饗之云雍人舉羊是則祿用  
羊血小子職掌珥于社稷祈于五祀皆謂宮兆始成時宜與  
費廟同士師職云凡刳珥則奉犬牲或亦用犬也說文有餌  
無珥珥故士師注云珥讀爲餌也叩者玉篇叩擊也禮學記  
叩之以小者則小鳴叩之以大者則大鳴論語憲問篇以杖  
叩其脛史記秦始皇叩關而攻秦是也○注惡無道也○左  
傳司馬子魚曰古者六畜不相爲用小事不用大牲而况敢  
用人乎祭祀以爲人也民神之主也用人其誰饗之明無道  
也○注不言至處也○左傳言用於次雖之社杜云雖水受

汴東經陳留梁譙沛彭城縣入泗此水次有妖神東夷皆社  
祠之蓋殺人而用祭按妖神之說及用人以祭皆杜氏杜撰  
不足信非祀典所載故謂為淫昏之鬼爾此注云不言社或  
即左氏之次睢之社祭無用人之道故絕其所用處不言社  
明凡祭皆然也昭十年左傳季子伐莒獻俘始用人于亳社  
蓋作備於此矣○注曰者至責之○執例時此日故解之通  
義云謹按邾婁人自以女怨執鄆子而託罪其後會以說于  
宋耳左氏壹不知季姬事實乃歸惡于宋襄果爾則春秋舍  
宋而責邾婁理不可通也又託子魚諫語趙匡讓之曰凡左  
氏謬釋襄文必廣加文辭欲以證實其事信哉斯言接孔說  
非是邾婁欺宋必以東夷為辭為宋襄銳意圖伯故也若但  
後會宋襄亦何至據而為此公羊雖不責宋襄然既為之諱  
又沒公稱若微者明亦以襄公為罪首矣左傳紀其實  
公羊變其文耳邾婁君也而稱人亦春秋貶爵之意也

### 秋宋人圍曹

### 衛人伐邢

冬公會陳人蔡人楚人鄭人盟于齊注因宋征齊有隙為此盟

也是後楚遂得中國霍之會執宋公疏左氏穀梁無公字春

秋異文箋云陳蔡楚

陳皆稱人則不當書公會公羊衍公字按此經如無公字傳注當有說先是楚未與中國會盟此後楚遂得中國春秋書公所以責公也四國書人若曰與微者盟爾深為公諱使若非齊盟所致也○注因宋至盟也○舊疏云謂上十八年襄公征齊齊與宋有間隙齊遂搆會諸侯之人而為此盟以謀宋矣按齊有易牙豎刀之亂宋襄帥諸侯以定之且史記左傳皆以齊孝公為宋襄所立今齊反以為隙合諸侯以謀之以德為怨故春秋人之書公會明非人皆諸侯也通義云復與以大信辭者諸侯之人相與就盟于齊以無忘齊桓之德故春秋深善之牽涉左氏為說也○注是後至宋公○舊疏云卽下二十一年秋宋公楚子陳侯蔡侯鄭伯許男曹伯會于霍執宋公以伐宋是也按彼年宋齊楚盟于鹿上齊鄭陳蔡許男皆從楚盟是其得中國也歸宋既屬非宜復又致楚得諸夏故深抑之

**梁亡**

**疏**杜云梁國在馮翊夏陽縣大事表云今同州府韓城縣西南二十里為梁國地秦滅之為少梁邑與晉之韓原

錯壤後入于晉穀梁傳曰梁亡鄭棄其師我無加損焉正名而已矣

此未有伐者其言梁亡何注據蔡潰以自潰為文舉侵也疏

注據蔡至侵也○見上四年蔡潰與梁亡文法同蔡潰上舉諸侯侵蔡此上無侵伐文故據以問通義云據虞不與滅猶

言晉人執不相自亡也其自亡奈何魚爛而亡也注梁君隆比附似非所據

刑峻法一家犯罪四家坐之一國之中無不被刑者百姓一

且相率俱去朕若魚爛魚爛從內發故云爾著其自亡者明

百姓得去之君當絕者疏史記秦本紀後論曰河決不可復

云魚爛而亡史記秦始皇本紀後有此文但是後漢明帝時

班固答詔語非史記本文梁亡之事史記秦本紀穆公二十

年滅梁芮是也○注梁君至云爾○舊疏云梁君至絕者為

史記春秋說文按著其自亡下當是何邵公語繁露王道云

梁內役民無己其民不能堪使民比地為伍一家亡五家殺

刑其民曰先亡者封後亡者刑君者將使民以孝於父母順

於長老守丘墓承宗廟世祀其先今求財不足行罰如將

不勝殺戮如屠仇讎其民魚爛而亡國中盡空春秋曰梁亡

梁亡者自亡也非人亡之也又仁義法云故王者愛及四夷

伯者愛及諸侯安者愛及封內危者愛及旁側亡者愛及獨

身春秋不言伐梁而言梁亡蓋愛獨及其身者也通義云梁

實為秦滅緣其民先亡地乃入秦故以自亡言之史記索隱

引宋均曰言如魚之爛從內而出爾雅釋器云魚謂之餒餒

云內爛郝氏懿行爾雅義疏云說文魚敗曰餒論語皇疏餒

謂魚鳧壞也魚敗而餒餒然也又引李巡云肉敗久則臭魚  
餒肉爛按郭亦云肉爛蓋皆內爛字形之誤公羊注是此注  
所本唯邢疏作內爛不誤穀梁傳曰酒淫於色心昏耳  
目塞上無正長之治大臣背叛民為寇盜梁亡自亡也如加  
力役焉酒不足道也注如使伐之而滅亡則淫酒不足記也  
使其自亡也○然後其惡明按彼云大臣背叛民為寇盜與此同  
為自亡也○注著其至絕者○校勘記出著其自亡者云鄂  
本宋本作著其自亡者此誤繁露仁義法云春秋不言伐梁  
者而言梁亡蓋愛獨及其身者也又曰故曰仁者愛人不在  
愛我此其法也又王道云觀乎梁亡知枉法之窮是也按白  
虎通諫諍篇明有分土無分民也詩曰逝將去女適彼樂土  
又五行篇有分土無分民何法法四時各有分而所生者通  
也明君無道得去之所以孤惡君也包氏慎言云絕謂絕其  
祀也后非眾罔與守邦峻刑法者懼民之叛而以刑劫之士  
崩瓦解亡在一朝則宗社虛矣以民之去書梁亡秦始皇二  
世知此則無陳項之禍矣杜云以自亡為文非取之者之罪  
所以惡梁三  
傳義無大異

二十年春新作南門

**疏**

水經注泗水篇沂水北對櫻門昔圍人

新作南門杜預曰本名櫻門僖公更高大之今猶不與諸門  
同故名高門也其遺基猶在地入丈餘矣亦曰雩門史記孔

皇清經解續編

公羊義疏三十三

七



子世家選齊國中女子好者入十人皆衣文衣而舞  
康樂文馬三十駟遺魯君陳於魯城南高門外謂此

何以書譏何譏爾門有古常也注惡奢秦不奉古制常法疏

注惡奢至常法○繁露王道云作南門譏驕溢不卹下也穀  
梁傳作為也有加其度也言新有故也非作也南門者法門  
也左傳疏引劉賈先儒云言新有故木言作有斬木孔疏云  
新者易舊之意作者興事之辭皆是更造之文故何云不奉  
古常也通義云南門本名稷門時僖公更高大之改名高門  
故譏其奢秦不用舊制也古語曰變古亂常不死則亡劉敞  
曰二百四十二年所興作修舊多矣僖公修泮宮詩人頌之  
而春秋不書泮宮諸侯之學僖公修之得其時制故春秋不  
書也新宮災大室屋壞災與壞不能不修而經無修之文雉  
門及兩觀災記新作焉以此數者參之修舊不足書其書者  
皆非禮之制不務公室者也

夏部子來朝疏差穆略云部穀梁作邾係誤  
字按今穀梁木無作邾者

部子者何注未有存文嫌不名故執不知問疏注未有至知  
問○桓二年

經取部大鼎于宋是宋人滅部在春秋前故隱二年傳云始  
滅防於此乎前此矣注前此者在春秋前謂宋滅部是也自

爾以來不見存文明為失地之君失地之君也疏通義云前例合書名而此文不名故據以難為宋所滅

寓於他國今更來朝計滅邾事在魯十年以何以不名注據前然七八十年間容其君壽考理猶得存

鄧穀名疏注據鄧穀名○即桓七年書穀伯綏來朝鄧侯吾禮云諸侯失地名

此不名故問之兄弟辭也注邾魯之同姓故不忍言其絕

賤明當尊遇之異於鄧穀也書者喜內見歸疏儀禮喪服傳

為兄弟故凡疏遠族屬皆以兄弟稱也此云兄弟辭謂兄弟之辭也○注邾魯之同姓○下二十四年左傳云富辰諫

曰管蔡邲霍魯衛毛聃邾雍曹滕畢原豐郈文之昭也注十六國皆文王子也是為魯同姓○注故不至穀也○舊疏云

即不書其名是也何者若非兄弟宜書其名絕而賤之繁露觀德云盛伯邾子俱當絕而獨不名為其與我同姓兄弟也

當尊禮之異於庶姓也

五月之巴西宮災疏包氏慎言云五月書乙巳五月無乙巳四

災或言火大者曰災小者曰火注大者謂正寢社稷宗廟朝廷也此西宮為楚女所居止宜書火而書災者彼傳又云內

何以不言火內不言火者甚之也注春秋以內為天下法動  
作當先自克責小有火如大有災是以雖小言災也義或然  
也

西宮者何小寢也小寢則曷為謂之西宮有西宮則有東宮

矣魯子曰以有西宮亦知諸侯之有三宮也注西宮者小寢

內室楚女所居也禮諸侯娶三國女以楚女居西宮知二國

女於小寢內各有一宮也故云爾禮夫人居中宮少在前右

媵居西宮左媵居東宮少在後疏杜云西宮公別宮也蓋取

廟孔疏云禮宗廟在左不得稱西宮是也注西宮至云爾

○莊十九年傳云諸侯娶一國則二國往媵之以姪媵從又

曰諸侯壹聘九女是娶三國女也論語八佾云管氏有三歸

注引包咸說謂三歸是三姓女婦人謂姝曰歸蓋管仲以大

夫而僭諸侯娶三姓女也○注禮夫至在後○周禮內宰注  
云六宮之人夫人以下分居后之六宮者每宮九嬪一人世  
婦三人女御九人其餘九嬪三人世婦九人女御二十七人  
從后唯其所燕息焉公羊雖不取三夫人九嬪二十七世婦

八十一御妻之說然以理推之當夫人居中左右媵分居東西其姪娣各從其長也知者殺梁桓十四年傳何栗而納之三宮三宮米而藏之御廩疏引禮王后六宮諸侯夫人三宮也禮記祭義卜三宮之夫人世婦之吉者注諸侯夫人三宮半王后也江氏永鄉黨圖考載諸侯宮寢圖前列君路寢次君小寢次夫大正寢次夫人小寢爲得其制唯江氏永謂諸侯夫人皆於正寢外別有小寢三則與何鄭之義皆不合劉氏寶楠愈惡錄云曲禮疏周禮王有六寢一正寢餘五寢在後通名燕寢是王之六寢卽王之六宮也陳氏禮書謂后之六宮亦正宮在前五宮在後其制如王之燕寢諸侯之制殺於天子宮人疏路寢中別有一小寢一側室一內則所云是也如賈氏言是諸侯路寢居中別有二寢當名東宮西宮夫人亦路寢居中別有二寢亦名東宮西宮東宮則襄九年傳穆姜寤于東宮是也西宮則公羊傳所云西宮者何小寢也是也惟然夫人有東宮西宮而無北宮在襄十年傳言北宮者君宮在南夫人宮在北故名北宮內宰憲禁令於王之北宮而糾其守鄭注北宮后之六宮謂之北宮者繫王言之是也通義云謹按周禮日以陰禮教六宮諸侯半天子故三宮也傳云爾者取明春秋因事見法有西宮則知有東宮有東宮西宮則亦知有中宮故觀於此經而諸侯宮寢之制可得考焉按何氏所引禮文當是禮緯文或逸禮語今不可考矣通義又云君子之爲春秋該六經而垂憲其設刺譏褒貶同乎詩

序四序審五行同乎易記王者之政列國之事同乎書若乃因稅畝用賦以見田制因作舍中軍以見軍制因卒葬舍貽以見喪制因公卿大夫士名字之等以見官制因西宮以見寢制因世室武宮以見廟制而至於蕭郊烝嘗之節昭穆之位楹楹之飾靡不畢舉西宮災何以書記災也注是時僖公為齊所脅以齊媵為嫡楚女廢在西宮而不見恤悲愁怨曠之所生也言西宮不繫小寢者小寢夫人所統妾之所繫也

天意若曰楚女本當為夫人不當繫於齊女故經亦云爾疏

校勘記云唐石經鄒本作記災也諸本作異誤通義云此於洪範應以妾為妻之罰云○注是時至生也○校勘記出以齊媵為嫡云宋本同鄒本閻監毛本嫡作適釋文適本又作嫡漢書五行志上釐公二十年五月己酉西宮災穀梁以為愍公宮也以謚言之則若疏故謂之西宮劉向以為釐立妾母為夫人以入宗廟故天災愍宮若曰去其卑而親者將害宗廟之正禮董仲舒以為釐娶于楚而齊媵之脅公使立以為夫人西宮者小寢夫人之居也若曰妾何為此宮誅去之意也以天災故大之曰西宮也左氏以為西宮者公宮也言西宮有東東宮太子所居言宮舉區皆災也臧氏琳經義雜

記云按杜注左氏謂無傳則班志所引當是解左氏者之言  
如劉歆輩說知西宮災不獨一西宮也公宮爲國君所居既  
不可斥言東宮太子宮太子國之本也又不可言災故舉西  
宮以概之據董生說則知西宮卽夫人所居僖公爲齊所脅  
以妾爲夫人而居此宮故天災誅去之乃何氏旣用董義而  
又采禮緯爲夫人居中右媵居西左媵居東之說以西宮爲  
楚女所居然楚女無罪何反焚其所居又言楚女本當爲夫  
人不當繫於齊女故言西宮而不繫小寢皆曲說也范解穀  
梁未能發明當以劉子政說補之三傳之學惟穀梁最微今  
所宜急治者按左氏家以爲公宮果爲公宮不妨直斥春秋  
何所忌而以西宮言之東宮太子所居居西宮者何人乎雉  
門及兩觀災可謂災之重矣經皆書之舉重可以該輕以公  
宮概西宮可也不聞舉輕以包重也如穀梁說則當書新宮  
劉子政牽涉釁立妾母之事天卽示罰於閔宮何涉尤屬支  
離卽如穀梁家劉子政說禘于太廟用致夫人以夫人爲成  
風當災及太廟矣不宜災及閔宮仲舒之說往往與何氏少  
異蓋又公羊先師傳授之殊耳然夫人不應偏居西宮傳引  
魯子明云亦知諸侯有三宮也則有中宮可知夫人居西宮  
左右媵反居中宮乎則此當以何氏注爲定怨曠之氣上千  
天和激而成災理所時有不必災西宮卽爲示罰居宮之人  
也然則雉門及兩觀災又宋災伯姬卒又將何說故修西宮  
不書明修所當修故也後漢書呂強傳強上疏曰昔楚女悲

愁則西宮致災又陳蕃傳是以傾宮嫁而天下化楚女悲而西宮災鹽鐵論備胡云宋伯姬愁思而宋國火魯妾不得意而魯寢災皆與何義合也臧氏之言未可從○注言西至云爾○何意以西宮亦小寢之別經不舉其重者故解之若以齊女本非夫人楚女不當反繫于齊女故不以西宮繫之小寢也諸侯有路寢治外政夫人亦有小寢聽內政故小寢爲夫人統妾之所繫也劉氏解詁箋云何君說本董子按穀梁子曰謂之新宮則近爲禰宮以證言之則如疏之然以是爲閔宮也於義穀梁爲長詩曰新廟奕奕奚斯所作毛云新廟閔公廟也有大夫奚斯者作是廟也經云西宮者知僖公季友奚斯不以閔序昭穆而別爲築宮則躋僖之意不始於文公矣詩又曰靡有不孝自求伊祜亦微辭也天戒若曰閔當序昭穆不當爲築西宮故經亦云爾按劉氏此說殊爲臆斷且公羊先師既指楚女所居亦不得以穀梁說屨入啖助趙匡之徒所辨何嘗無理哉

鄭

人入滑

疏

史記注引賈逵云滑姬姓之國大事表云高江村

駁正地理處說多當理獨於僖二十年鄭人入滑謂非緱氏之滑而反取熊過之說以爲大名之滑縣大謬滑縣在春秋止稱滑邑無滑之名漢魏爲白馬縣隋開皇始改曰滑州閭有前代之地名後世因之者矣未有後世所改革而前代可假用者也滑本爲橋下邑所謂白馬與北岸黎陽

止隔一河衛舊都在黎陽之廢衛縣爲狄人所逐渡河野處去其國都不遠若先有滑國在焉戴公安得慮之則齊侯又安得驅滑之眾庶而更封衛乎若謂既爲滑又以封衛則衛爲鷓巢鳩居而滑爲烏鼠同穴必無之事也又江村云戴公野處滑邑與齊桓城楚丘封衛皆在滑境滑蓋衛都所在故鄭人力爭之自古無與人爭國都之理以戰國秦之強圍趙邯鄲已爲異事春秋時尙無此等且使滑爲衛都則滑已滅於衛矣安得更謂之滑屬於列國而上煩天子之命乎江村蓋以傳云滑人聽命師還又卽衛謂滑必鄭衛交界地緜氏遠河南非衛所及攷秦人滅滑傳秦師過周北門次及滑鄭商人弦高遇之滑與鄭近自不必言而衛之儀封亦在河南與滑非絕遠不必以此爲疑也按以遠近言之則滑在緜氏中隔鄭地其去衛不爲不遠要非大名之滑當時小國附屬大國亦有相去絕遠者如江黃道柏之睦於齊是究非睦鄰事大所宜故滑亦不久卽亡也

秋齊人狄人盟于邢

**注**

狄稱人者能常與中國也

**疏**

注狄稱至國也○上

十八年伐衛狄稱人善其憂中國之心此稱人故爲善其能與中國也左傳以爲謀邢難是亦狄人有憂中國之心矣通義云以邢地者邢與盟也左傳曰爲邢謀衛難也狄稱人與前同義



冬楚人伐隨注獲楚故也

**疏**

桓六年左傳杜注云隨國今義陽隨縣正義引世本隨國姬姓不知

始封為誰水經注潁水篇東南過隨縣西縣故隨國矣春秋左傳所謂漢東之國隨為大者也楚滅之以為縣蓋在春秋

後○注飯楚故也○左傳隨以漢東諸侯叛楚冬楚圖穀於菟帥師伐隨取成而還是也

二十有一年春秋侵衛注貶狄者為犯中國諱

**疏**

注貶狄至國諱○按諱字

誤蓋衍文也通義云狄不復稱人者附邢而後得進明非憂中國不進

宋人齊人楚人盟于鹿上

**疏**

通義云不月者與襄公以大信辭杜云鹿上宋地汝陰有原鹿縣大

事表云今江南潁州太和縣西有原鹿城一統志原鹿縣在潁州府阜陽縣南方輿紀要鹿城鄉在曹州曹縣東北則去

潁州遠矣水經注淮水篇東過原鹿縣南縣有鹿城鄉鄭元曰春秋之鹿上也則顧氏祖禹所本又水經注濮水又東北

遷鹿城南春秋僖公二十一年盟于鹿上京杜並謂此亭也則與淮水篇文不合然杜預自指汝陰之原鹿不以為在乘

也氏

夏大旱疏

通義云上書旱者譏不雩也上十一年穀梁傳曰得雨曰雩不得雨曰旱范注喜其有益也則凡書旱皆

是等而不雨此及宣七年秋大旱是也禮八月不雨君乃不  
舉此夏已書大旱者蓋自此至秋仍不雨故經追書於夏時  
也

何以書記災也注新作南門之所生疏注新作至所生○見

志中之上釐公二十一年夏大旱董仲舒劉向以為齊威既  
死諸侯從楚釐公尤得楚心楚來獻捷釋宋之執外倚彊楚航  
陽失眾又作南門勞民興役

秋宋公楚子陳侯蔡侯鄭伯許男曹伯會于霍疏校勘記云唐

解云左氏作孟穀梁作雩蓋誤或所見異按古音霍同護與  
孟雩皆同部得通也杜云孟宋地范注同大事表云今歸德  
府睢州有孟亭一統志  
孟亭在歸德府睢州界

執宋公以伐宋疏楚世家云宋襄公欲為盟會召楚楚王怒曰

公既而歸之穀梁  
傳曰以重辭也

孰執之楚子執之注以下獻捷疏注以下獻捷冬楚人使宜申來獻捷

傳此楚子也其稱人何貶曷為不言楚子執之注據漢梁盟

曷為貶為執宋公貶是也注據漢梁盟

下執芑子知叟子復出晉人也疏注據漢至人也○襄十六年公會晉侯以下于漢梁

下云晉人執芑子注不與夷狄之執中國也注不舉執為重復

舉伐者劫質諸侯求其國事當起也不為襄公諱者守信見

執無恥說在下也疏通義云故使若諸侯共執之者然沈氏

上公也楚雖強大荆山之機夷也若云楚執之則為禮樂之

邦羞傳強梁之志逞聖人扶陽抑陰不與楚子執宋公故不

言楚通義又云序楚子於諸侯之上使主其罪也楚至此稱

子者方將終傳之篇貶若壹皆稱人嫌但是外楚常文須張

其本爵於前貶之於後意乃得顯按沈氏說亦即不與夷狄

執中國義○注不舉至起也○下傳云楚人謂宋人曰子不

與我國吾將殺子若矣是劫質求國事也故執伐並舉不專

舉執君為重也○注不為至下也○下傳云宋公與楚子期

以乘車之會公子目夷諫曰楚夷國也疆而無義請君以兵

車之會往宋公曰不可吾與之約以乘車之會自我為之自

我墜之曰不可終以乘車之會往楚人果伏兵

車執宋公以伐宋是守信見執故不為恥也

冬公伐邾婁

楚人使宜申來獻捷

此楚子也其稱人何注据稱使知楚子疏○注据稱使知楚子○正以使者上命

下之詞故知楚子注据齊侯獻戎捷不貶疏○注据齊至不

一年齊侯來獻戎捷稱爵也其實被書月即以為執宋公貶

刺齊桓威我此第据其稱侯不貶與楚人殊耳為執宋公貶疏○注据齊至不

疏○注据齊至不疏○注据齊至不疏○注据齊至不疏○注据齊至不

執宋公貶注据上已沒不與執中國疏○注据上至中國○謂

也宋公與楚子期以乘車之會注蓋鹿上之盟疏○注蓋鹿上

上鹿上之盟公子目夷諫曰疏○注据上八年左傳曰太子茲父固

約霍之會也請曰目夷長且仁注目夷茲

父庶兄楚夷國也疆而無義請君以兵車之會往宋公曰不

可吾與之約以乘車之會自我為之自我墮之曰不可終以

乘車之會往楚人果伏兵車執宋公以伐宋注詐設劫質諸

侯求其國當絕故敗疏通義云墜敗也說苑尊賢云宋襄公

詐設至故敗○釋文作誰設云誰本亦作詐公羊問答云問

古有劫質之事乎曰於古未見也有之自此始傳執宋公以

伐宋莊二十三年曹子手劍而從之皆是也後世之見於史

者後漢書橋元傳元少子十歲獨游門次卒有三人持杖劫

執之入舍登樓就元求貨元不與有頃司隸校尉陽球率河

南尹洛陽令圍守元家球等恐并殺其子未欲迫之元瞋目

呼曰姦人無狀元豈以一子之命而縱國賊乎促令兵進於

是攻之元子亦死元乃詣闕謝罪乞天下凡有劫質者皆并

殺之不得贖以貨實開姦路詔書下其章初自安帝以後法

禁稍弛京師劫質不避豪貴自是遂絕三國志夏侯惇傳呂

布襲得惇軍輜重遺將僞降共執持惇責以寶貨惇軍中震

恐惇將韓浩乃勒兵屯惇營門召軍吏諸將皆按甲當部不

得動諸營乃定遂詣惇所叱持質者曰汝等凶逆乃敢劫執

大將軍復欲望生耶且吾受命討賊甯能以一將軍之故而

縱汝乎因涕泣謂惇曰當奈國法何促召兵擊持質者持質

者惶遽叩頭言我但欲乞資用去耳浩數責皆斬之惇既免

太祖間之謂浩曰此可為萬世法乃著令注孫盛曰按光

武紀建武九年盜劫除貴人毋弟吏以不得拘質迫盜盜遂

殺之也然則合擊者乃古制也按人君於此又有不同曹子  
求邑則與之楚入求國則不與諸侯死國不死邑之義也劫  
人之臣子以要其君父並擊之可也劫人之君父以要其臣  
子並擊之則不可於此當權其輕重矣若祭仲目夷真有當  
於春秋之義也夫包氏慎言云求其國謂下楚人謂宋人曰  
子不與我國吾將殺子君矣絕而稱人繼其爵也劫質者盜  
賊之行國君而為盜賊之行故絕按今律有捉人勒贖  
即劫質類也通義云故貶楚人之譏以伸宋公之信 宋公

謂公子曰夷曰子歸守國矣國子之國也疏宋世家三十年春桓公病太子

茲甫讓其庶兄曰夷為嗣桓公義太子意竟不聽三十一

春桓公卒太子茲甫立是為襄公以其庶兄目夷為相是目

夷襄公庶兄本有讓國之意故公云然 吾不從子之言以至乎此疏校勘記云

本同閩監毛本乎此誤例 公子曰夷復曰君雖不言國國固臣之國也注

所以堅宋公意絕疆楚之望疏校勘記云唐石經原刻言下

行及前一行皆本九字此行後磨改故亦十字讀君雖不言

句國固臣之國也句舊疏云即言君假令不道是臣之國今

國當是為臣之國矣所以堅宋公意欲使宋公乃心在楚不

急求還又欲絕楚人使知宋難取不復望之也蓋目夷權辭

公羊義疏三十三

以對與鄭成公被執其臣公孫申之謀相似有不幸爾於是歸設守械而守國疏莊

十二年注有攻守之器曰械楚人謂宋人曰子不與我國吾將殺子君矣

宋人應之曰吾賴社稷之神靈吾國已有君矣楚人知雖殺

宋公猶不得宋國於是釋宋公疏通義云下經釋宋公是也

即不與專釋也又云昔秦獲惠公晉大夫謀征糇以輔孺子

晉人執鄭伯鄭公孫申之謀曰我改立君而紆晉使晉必歸

君此喪君守國之上算也然鄭伯歸而殺申其後于肅愍效

之亦以致禍若襄公之於目夷推誠不疑君臣同濟可不謂

賢宋公釋平執走之衛注襄公本謂公子目夷曰國子之國

也宋公愧前語故慙不忍反走之衛不書者執解而往非出

奔也疏注走之至奔也○舊疏云決襄公子目夷復曰國為

君守之君曷為不入然後逆襄公歸注凡出奔歸書執獲歸

不書者出奔已失國故錄還應盜國與執獲者異臣下尚隨

君事之未失國不應盜國無為錄也疏注凡出至錄也○山

鄭世子忽復歸於鄭又鄭伯突入于櫟莊六年衛侯朔入于

衛之屬是也有書歸善復歸書復入書入之殊桓十五年傳

復歸者出惡歸無惡復入者出無惡人有惡入者出入惡歸

者出入無惡有盜國不盜國之殊故分別錄之也下二十五

年納頓了于頓注云出奔當絕還入為盜國當誅文定元年

注昭公出奔國當絕定公不得繼體奉正故諱為復詞使若

在正月後故不書正月盜國當絕故書入與復入也其執獲

而歸不書者本未失國臣下尚君事之故其歸也與盜國異

且君若被獲於其獲時已絕故不必絕於其歸也其下二十

八年晉侯執曹伯下書曹伯襄復歸于曹又晉人執衛侯三

十年書衛侯鄭歸于衛哀七年公伐邾婁以邾子益來八年

歸邾婁子益于邾婁之屬是執而書歸者當文各自有解不

得相難執與獲異執者有書爵書人之殊故被執亦不必皆坐罪也惡乎捷捷乎宋注以上言

伐宋曷為不言捷乎宋注據戎捷也疏注據戎捷也○莊三

捷為襄公諱也注襄公本會楚欲行霸憂中國也不用目夷

之言而見詐執伐宋幾亡其國故諱為沒國文所以申善志



不月者因起其事疏殺梁傳曰其不曰宋捷何也不與楚捷

梁無善宋襄之意故不以爲襄諱○注襄公至善志○通義

云高襄公故不與楚捷乎宋也○注不月至其事○以獻戎

捷書六月也起事者舊疏云春秋之義滅國例月莊十年冬

十月齊師滅譚十三年夏六月齊人滅遂之類今此宋公幾

亡國是以爲諱之此圍辭也曷爲不言其圍注据上言守國

去其月以起其賢知圍也疏通義云据戰乃有捷言捷者起戰也而不言戰者

者是圍辭也起圍也經之大例圍不言戰故知此言捷不言戰

是也舊疏云舊本傳注三者皆作圍字唯有守不知上一國

字以其有皆爲公子目夷諱也注目夷遭難設權救君有解

作圍字者誤圍存國免主之功故爲諱圍起其事所以彰目夷之賢也歸

捷書者刺魯受惡人物也疏注目夷至賢也○設權者即上

固臣之國也救君者即上傳宋公釋平執是也楚釋宋公後

不見有圍楚文故知解圍也逆襄公歸是其存國免主也爲

目夷諱春秋之爲賢者諱也繁露玉英云夫權雖反經亦必

在可以然之域不在可以然之域故雖死亡終弗爲也公子

曰夷是也故諸侯父子兄弟不宜立而立者春秋視其國與  
宜立之君無以異也此皆在可以然之域也又云故春秋之  
道博而要詳而反一也公子目夷復其君終不與國祭仲已  
與後改之晉荀息死而不聽衛曼姑拒而弗內此四臣事異  
而同心其義一也目夷之弗與重宗廟祭仲與之亦重宗廟  
苟息死之貴先君之命曼姑拒之亦貴先君之命也事雖相  
反所為同俱為重宗廟貴先君之命耳通義云目夷之事欲  
彰其賢而反諱之此聖經之高義賢傳之達言蓋以鳴其孝  
者非令子矜其忠者非令臣原臣子之道莫不欲尊榮君父  
故讓德歸美過則稱己曹羈以義去公子目夷以仁守二子  
易地皆然目夷有成勞矣羈雖不克濟君於難而並有愛國  
之心惴惴忱忱要殊武安伴敗之意終鮮慶鄭復諫之懟春  
秋緣羈與目夷之心而君死國辱為之不忍言焉斯二臣之  
風期千載可想矣按注言諱圍起其事者謂起其設權救君  
之屬是也因以彭目夷之賢○注歸捷至物也○莊三十年  
書齊侯獻戎捷見王魯義此取楚子稱人故受捷者亦從乎  
取例矣刺受惡人  
物所以深惡楚也

十有二月癸丑公會諸侯盟于禚注言諸侯者起霍之會諸侯

也不序者起公從旁以譏釋宋公會盟一事也言會者因以

殊諸侯也疏包氏慎言云十二月書癸丑月之十一日宋世

湯所都一統志簿縣故城在歸德府商丘縣西北閻氏若璩

向書古文疏證云亳有三一南亳後漢梁國穀熟縣是湯所

都也一北亳梁國蒙縣是即景亳湯所盟地一西亳河南尹

偃師縣是盤庚之遷都也鄭康成謂湯亳在偃師皇甫謐即

據孟子以正之曰湯居亳與葛伯為鄰葛在今梁國甯陵之

葛鄉若湯居偃師去甯陵八百里豈能使民為之耕乎亳今

穀熟是也其說精矣王氏鳴盛向書後案云皇甫謐以偃師

為西亳而別以蒙為北亳穀熟為南亳按續志梁國屬縣有

蒙有穀熟劉昭注即引謐帝王世紀蒙北亳穀熟南亳之文

梁國屬縣又有薄司馬彪自注湯所都此即本之臣瓚者劉

昭又引杜預左傳注云蒙縣西北有薄城中有湯冢於是張

守節史記正義云湯即位都南亳後徙西亳謐又以與葛鄰

乃是居南亳時事盤庚言商先王五遷鄭馬王皆以始居南

丘後遷居亳當五遷之二水經注汜水東逕大蒙城北大蒙

在今商丘縣北四十里殺熟故城在今商丘縣東南四十里

湯本居此後乃遷偃師即其後微子封此亦以湯之舊邑封

之謐說似非無稽但馬鄭唯言湯會居商丘商丘本不名亳

觀漢志但于偃師言湯都而梁國蒙山陽簿縣不言是亳可

見謐因經言三亳遂造北亳南亳配偃師為三其說蒙穀熟

古但名商丘不名亳也杜預臣瓚司馬彪皆晉人劉昭梁人

妄相附和豈如班鄭之可信乎其辨一也既名三毫宜遠近  
相等商丘偃師相去七八百里蒙穀熟相去止數十里分之  
無可分也卽如其說只有東西二毫耳奈何於數十里中強  
分爲二以充三毫之數其辨二也商丘平衍與成阜等地大  
不類何山險之有而云阪乎其辨三也漢志云宋地今之沛  
梁楚山陽沛陰東平及東都之須昌壽張皆宋分也蓋諸郡  
皆微子所封社猶稱毫當時人或以毫在宋地班氏於此文  
下又云昔堯作游成陽舜漁澤湯止于毫則此爲湯所游  
息之地後人遂稱毫在梁國沛陰山陽之間而其實湯都則  
在偃師與宋地無涉蓋薄縣者漢本屬山陽郡後漢分其地  
置蒙穀熟與薄並改稱梁國晉又改薄爲毫且改屬沛陰故  
臣瓚謂湯都在沛陰毫縣者卽其所謂在山陽毫縣者也亦  
卽司馬彪所謂在梁國薄縣杜預所謂在蒙縣北毫城者也  
而亦卽皇甫謐所分屬於蒙穀熟者也本一說也薄薄也非  
毫也立政三毫鄭解爲遷毫之民而分爲三毫本一也安得  
有三按薄與毫同聲而不同韻王氏分毫與薄是也杜氏於  
此無注○注言諸至侯也○卽上宋公楚子陳侯蔡侯鄭伯  
許男曹伯會于霍執宋公以伐宋是也上文歷序其爵此總  
言諸侯故得起其爲上會諸侯也○注不序至宋公○舊疏  
云若其序之宜云公會某侯某侯卽無以見公從旁別來今  
諸侯不序並作一文別言公會則知魯公從旁而來是以不  
序諸侯以起其義按若序公會某侯某侯于某則嫌別爲此

會故無以起公從旁議釋故但書諸侯明公即就彼諸侯而為傳之盟霍在今之睢州固與薄近也穀梁傳曰外釋不志此其志何也以公之與之盟目之也又曰會者外為主焉爾○注會盟至侯也○舊疏云上言會于霍下言盟于薄明其一出之行而更言公會諸侯因以殊諸侯矣

### 釋宋公

執未有言釋之者此其言釋之何注据執滕子不言釋疏注

執至言釋○見上十九年舊疏云不言楚子釋宋公者何氏廢疾公羊以為公會諸侯釋之故不復出楚耳通義云執而釋者自天子釋之以歸書自諸侯釋之不書此特書故問之公與為爾也公與為爾奈何

公與議爾也注善信公能與楚議釋賢者之厄不言公釋之

者諸侯亦有力也疏通義云與議爾者公與言說贊成之也

云爾猶此隱二年公羊傳託始焉爾注焉爾猶於是是亦此也此公為爾也公與議爾也言公與為此公與議此也○注善信至力也○周禮典瑞云穀圭以和鄰又調人掌司萬民之難而諧和之宋襄賢者信公能會諸侯與為和議故並善

之焉穀梁傳以爲不言楚不與楚專專傳彼注引何氏曰春秋以執之爲非不以釋之爲罪責楚子專釋非其理也公羊以爲公會諸侯釋之故不復出楚耳鄭釋之曰不與楚專釋者非以責之也傳云外釋不志此其志何也以公之與盟日之也言公與諸侯盟而釋宋公公有功焉與公羊義無違錯劉氏中何云如鄭君說傳當云不言楚歸功于諸侯也通義又云自是盡二十七年德遂背齊宋合衛以睦于楚春秋之所深責故其盟皆日以危之其會皆不致以略之義或然也

皇清經解續編卷千二百二十一終

丹徒陳慶年參校  
于汝葛樹字

皇清經解續編卷千二百二十二

南菁書院

公羊義疏三十四

句容陳立卓人著

信二十二年  
盡二十六年

二十有二年春公伐邾婁取須胸疏

校勘記云須胸唐石經諸本同釋文須胸左氏作句

上二十一年左傳杜注云須胸在東平須昌縣西北作句者

省文漢書五行志中之下取須胸與公羊同師古曰須胸邾

邑胸音鉅俱反又地理志濟陰郡宛句師古曰句音劬辭宣

傳為宛句令師古曰句音劬大事表云今兗州府東平州東

南有須句故城左穀作須句水經注濟水又北逕須句城西

城臨濟水故須胸國風姓也杜預曰須句在須昌縣北非也

地理志曰壽張縣西北有胸城者是也京相璠曰須句一國

二城兩名蓋遷都須昌胸是其木秦以爲縣馬氏宗楚左傳

補注按劉昭郡國志補注引杜預注云須句古國

在須昌西北即須胸也後乃遷都須昌耳京說是

夏宋公衛侯許男滕子伐鄭

秋八月丁未及邾婁人戰于升陘疏

包氏慎言云八月書丁未月之九日杜云升陘魯地

玉篇郭胡經切鄉名在高密引左傳作戰於升野按魯鄉之戰不得至高密也左傳釋文升作登云本亦作升野按內不言戰言戰乃敗矣穀梁傳曰內諱敗舉其可道者也不言其人以吾敗也不言及之者為內諱也內外俱不言主名蓋為內深諱也左傳云邾人獲公

冬十有一月己巳朔宋公及楚人戰于泓疏僧一行合朔議曰

一月己巳朔宋楚戰于泓周殷魯麻皆先一日楚人所赴也按己巳朔正與殷麻合柱云泓水名大事表云襄字記鄆城

北里許有泓水即宋楚戰處鄆城在今河南歸德府柘城縣北三十里金史地理志柘城縣有泓水即澗水支流也宋

師敗績疏穀梁傳則眾敗而身傷焉彼注引何君廢疾曰即

是也又成十六年傳曰不言師君重平師也即成十六年是

二十二年虛言也即二十二年是十六年非也鄭君釋之曰

傳說楚子敗績曰四體偏斷此則目也此言君之目與手足

有破斷者乃為敗矣今宋襄公身傷耳當持鼓軍事無所害

而師仍敗故不言宋公敗績也傳所以言敗眾敗身傷焉者疾其信而不道以取大辱劉氏申何云傳言身傷而致死則視傷目尤重矣其取辱何得言師不言公乎春秋貴偏戰而惡詐戰以為善於此者正以其信耳詐而勝不如信而



敗也以詐為道  
異乎吾所聞

偏戰者日爾此其言朔何注據奚之戰不言朔疏注據奚至

桓十七年五月丙午及齊師戰春秋辭繁而不殺者正也注

于奚春秋說以為五月朔日也莊氏存與春秋正辭云若

繁多也殺省也止得正道尤美疏救邢城衛再言齊師宋師

又若侵曹伐衛再言晉侯又若首止無中事而復舉何正爾

諸侯繁露祭義云書之重辭之複其中必有美者焉何正爾

宋公與楚人期戰于泓之陽注泓水名水北曰陽疏期約也楚

人濟泓而來注濟渡有司復曰請迨其未畢濟而擊之注迨

及疏復白也左傳曰宋人既成列楚人未既濟司馬曰彼眾

我少鼓險而擊之勝無幸焉彼疏引麋信云子反曰楚眾

當為子夷即子魚也注迨及爾雅釋言文宋公曰不

可吾聞之也君子不厄人疏穀梁傳曰君子不推人危不攻

公曰君子不重傷不禽二毛吾雖喪國之餘注我雖前幾為

楚所喪所以得其餘民以為國喻稱弱疏注我雖至弱弱○

執宋公伐宋事也朱氏彬經傳攷證云喪即亡也王懷祖先

生曰喪國之餘指商而言之也左傳寡人雖亡國之餘不鼓

不成列杜注宋商紂之後喪亡也檀弓鬻犯曰喪人無寶大

學引作亡人無以為寶是喪與亡同經義述聞曰家大人曰

喪國謂商也喪國之餘謂宋也左傳載襄公之言曰寡人雖

亡國之餘杜注宋商紂之後是也何注謂宋幾為楚所喪失

之迂矣知不然者襄公無故追及亡殷與左傳宋司馬華孫

來盟忽稱其先人華督何異正以上年霍盟後為楚所敗吾

執國圖幾乎亡覆此衰弱之後能守文王之法所以為善述

聞又云若如注解則於喪上增幾為楚所四字餘下增民字

矣按何氏以幾為楚所喪釋喪字以得其餘民解

餘字本無所謂增成也此之餘猶詩之子遺耳 寡人不忍

行也疏曰不可既濟未畢陳有司復曰請迨其未畢陳而擊

之宋公曰不可吾聞之也君子不鼓不成列注軍法以鼓戰

以金止不鼓不戰不成列未成陳也君子不戰未成陳之師

疏左傳曰既濟而未成列又以告公曰未可穀梁傳既出旌

亂於上陳亂於下子反曰楚眾我少擊之勝無幸焉襄公

曰不鼓不成列注列陳○注軍法至金止○荀子議兵篇云聞鼓聲而進聞金聲而退哀公十一年左傳云吾聞鼓而已不聞金矣注鼓以進軍金以退軍孟子梁惠王篇填已陳然鼓之注填鼓音也兵以鼓進以金退皆本荀子也

後襄公鼓之宋師大敗

疏左傳既陳而後擊之宋師敗績公傷股門官殲焉穀梁傳曰須其成

列而後擊之則敗而身傷焉通義云左傳曰公傷股不從君夷例斥宋公敗績者為襄公諱不使楚人得加傷乎宋公也此楚人亦楚子也故君子大其不鼓不成列臨大事而不所以賤楚而尊宋

忘大禮有君而無臣

注言朔亦所以起有君而無臣惜其有

王德而無王佐也若襄公所行帝王之兵也有帝王之君宜

有帝王之臣有帝王之臣宜有帝王之民未能醕粹而守其

禮所以敗也疏繁露命序云故善宋襄公不由其道而勝不

王化也史記宋世家贊太史公曰襄公既敗于泓而君子或以為多傷中國闕禮義喪之也宋襄之有禮讓也淮南子秦族訓云泓之戰軍敗君獲而春秋大之取其不鼓不成列也繁露王道云宋襄公曰不鼓不成列不阨人此春秋之教文

以賈也漢書王褒傳四子講德論蓋君為元首臣為股肱明  
其一體相待而成有君而無臣春秋刺焉皆取公羊為說○  
注言朔至敗也○鹽鐵論論誹云故雖有堯之明君而無舜  
禹之佐則純德不流故春秋刺有君而無臣宋世家云國人  
皆怨公公曰君子不困人於阨不鼓不成列子魚曰兵以勝  
為功何常言與左傳亦曰國人皆咎公又曰子魚曰君未知  
戰勅敵之人隘而不列天贊我也阻而鼓之不亦可乎猶有  
懼焉且今之勅者皆吾敵也雖及胡者獲則取之何有乎二  
毛明聽教戰求殺敵也傷未及死如何勿重若愛重傷則如  
勿傷愛其二毛則如服焉三軍以利用焉金鼓以聲氣也利  
而用之阻隘可也聲盛致志鼓儼可用焉金鼓以聲氣也利  
穀梁曰日事遇朔日朔非公羊義上十六年注云平居無他  
卓侷無所求取言晦朔也此書朔重始為育此卓侷賢君無  
賢臣為繼故也通義云司馬法曰逐奔不遇百步從綏不遇  
三舍明其禮也不窮不能而哀憐傷病明其仁也成列而鼓  
明其信也爭義不爭利明其義也此所謂文王之戰也襄公  
之於楚始為乘車之會期以禮服之不仁雖功烈不及伯者  
之跡其征齊以義會霍以信不厄險以仁雖功烈不及伯者  
之為其所嚮慕則王者之用心焉是以引而進之楚之病中  
國久矣召陵之役有王事焉沮之役有王心焉能言距楚者  
春秋之所高也苟將伸齊而抑宋則是先功利而後仁義豈  
文王之所以為治繁露曰春秋之美貴信而賤詐詐人而勝

之雖有功君子弗為也故善未襲公不厄人不由其道而勝  
不如由其道而敗春秋貴之將以變習俗而成王化嗚乎以  
此教後世而左氏穀梁氏親傳春秋猶徒以成敗論事則甚  
矣習俗不易變而王化之難成矣論語皇疏引蔡謨曰聖人  
之化由羣賢之輔聞主之亂由眾惡之黨是以為雖文王之  
以有君無臣宋襄以敗衛靈無道夫豈其喪以為雖文王之

戰亦不過此也注有似文王伐崇陸戰當舉地舉水者大其

不以水厄人也疏隱元年傳曰王者孰謂謂文王也文九年

文王之戰喻之也白虎通號篇云宋襄伐楚不擒二毛不鼓

不成列春秋傳曰雖文王之戰不是過知其伯也而詩疏引

鄭箴膏肓云刺襄公不度德不量力又引考異鄭云襄公大

辱師敗于泓徒信不知權譎之謀不足以交鄰國定遠疆也

此是譏師敗也公羊不知譏違考異鄭矣者此不知春秋之義

者也劉氏逢祿評之云緯亦出於劉歆固宜其附左氏而違

經意也何氏之於緯擇善而從之鄭則固矣宣三年左傳狂

狡輅鄭人鄭人入于井倒載而出之獲狂狡君子曰失禮違

命宜其為禽也膏肓以為合於道鄭箴之曰狂狡臨敵拘於  
小仁可忘在軍之禮譏之義合於識劉氏逢祿評之曰狂狡  
義安可從也即謂攻異郵刺宋襄之說然狂狡蓋欲生致鄭  
人亦非古道包氏慎言云易比之九五云顯比王用三驅失

前禽邑人不誅此主者征伐之禮也周衰司馬九伐之法不  
 行於諸侯然齊景之時穰苴論司馬兵法不阻隘不傷二毛  
 不逆奔鼓而成列然後戰猶能言之則宋襄所云君子不迫  
 人於險不鼓不成列者周之兵典也周之正朔改自文王周  
 之兵典亦初自文王故詩頌維清奏象舞曰維清緝熙文王  
 之典春秋無義戰守文王之典者一人而已故經書其戰之  
 期傳曰雖文王之師不是過也宋襄以守禮為楚所傷七月  
 而死以曹殺大夫之不死曹君者例之則凡在師者論罪皆  
 當誅故曰有君而無臣齊桓晉文之霸皆先教其民而後用  
 之襄公以不教之民與強楚爭勝殃民以殃身其愚可責其  
 志可嘉而春秋表而出之以為有王者起行一不義殺一不  
 辜而得天下不為也其行師也則必為襄公之所為焉爾楚  
 郟之戰還師而佚晉寇春秋以其有王心而大之莊王不以  
 險阨既敗之寇而襄公不以險阨遂師之寇其心尤為磊落  
 光明矣責襄公之不度德不量力者皆以成敗論人者也○  
 注有似至伐崇○上十九年左傳曰子魚言於宋公曰文王  
 聞崇德亂而伐之軍三旬而不降退修教而復伐之因墨而  
 降詩大雅皇矣述伐崇云是類是禱是致是附四方以無侮  
 又云是伐是肆是絕是忽四方以無拂皆謂文王伐得其罪  
 行得其法故四方服德畏威無敢侮慢無敢違拂之者也○  
 注陸戰至人也○宣十二年注云陸戰當舉地而舉水者大  
 莊王閔隋水而佚晉寇義與此同蓋白楚子為舟師伐吳始

有水  
戰矣

二十有三年春齊侯伐宋圍緡疏穀梁緡作閔緡閔同音段借

下師古曰春秋僖二十三年齊侯伐宋圍緡地理志山陽郡東緡

云緡宋邑高平昌邑縣東南有東緡城大車表云古緡國昭

四年左傳曰擻舉曰桀為仍之會有緡叛之即此今在山東

兖州府金鄉縣東北三十里水經注濟水篇濟水又東逕東

緡縣故城北故宋地春秋齊侯伐宋圍緡十三州記曰山陽

有東緡縣鄒衍曰余登緡城以望宋都地也一統志東緡故

城在兖州府金鄉縣東北二十三里

邑不言圍此其言圍何疾重故也注疾痛也重故喻若重故

創矣襄公欲行霸守正履信屬為楚所敗諸夏之君宜雜然

助之反因其困而伐之痛與重故創無異故言圍以惡其不

仁也疏注疾痛也○通義云疾惡也○注重故至創矣○通

義云重故創而但曰重故於文不明何解非也故當讀為固古

字通國語周語咨於故實史記魯世家故作固論語子罕篇

固天縱之將聖論衡知實篇固作故並其證也閔元年左傳親有禮因重固杜注曰能重能固則當成就之北重固二字之證隱五年傳邑不言圍此其言圍何疆也解詁必欲為得邑故如其意言圍也然則此傳曰疾重固也義與彼同疾其必欲得之也左傳之重固以善者言也此傳之重固以不善者言也蓋均是重且固也以自守則善以謀人則不善善惡不嫌同辭矣按以左傳之重固解此之重故義亦不了○注襄公至仁也○按穀梁傳曰伐宋不言圍邑此其言圍何也不正其以惡報惡也穀梁無善宋襄義故以為報十八年伐齊之役其謂惡圍同也

夏五月庚寅宋公慈父卒

**疏**包氏慎言云五月書庚寅月之二十六日慈父左氏穀梁作茲父宋

世家作慈甫

何以不書葬盈乎諱也注盈滿也相接足之辭也襄公本以

背殯不書其父葬至宋公身書葬則嫌霸業不成所覆者薄故復使身不書葬明當以前諱除背殯以後諱加微封內娶不去日略之者功覆之也疏注盈滿至辭也○詩召南鵲巢云維鳩盈之傳盈滿也廣雅釋



詰云盈滿也按宋襄自上九年宋公禦說卒不書葬為諱背  
 殞之惡後十九年執滕子盟曹南二十一年會霍見執楚獻  
 捷戰泓無不為宋襄諱無非為其有憂中國尊周室之心故  
 於其卒焉盈諱之故為接足辭也穀梁傳曰不葬何也失民  
 也其失民何也以其不教民戰則是棄其師也彼注引何君  
 廢疾曰所謂教民戰者謂之也春秋責偏戰而惡詐戰宋襄  
 公所以敗于泓者守禮偏戰也非不教其民也孔子曰君子  
 去仁惡乎成名造次必於是顛沛必於是未有守正以敗而  
 惡之也公羊以為不書葬為襄公諱背殞出會所以美其有  
 承齊桓尊周室之美志鄭君釋之曰教民習戰而不用是亦  
 不教也詐戰謂不期也既期矣當觀敵為策倍則攻敵則戰  
 少則守今宋襄公于泓之戰進之又不用其臣之謀而敗故  
 徒善不用賢良不足以與伯主之功徒信不知權譎之謀不  
 足以交鄰國會遠疆故易譏鼎折足詩刺不用良此說善也  
 劉氏申何云期地必不下水也期時必不于半渡也以水厄  
 人未陳而擊之交鄰而向權譎戰國之所謂賢良非春秋之  
 所貴也以敗績而去葬則敗而書葬者多矣不敗而不書葬  
 者亦多矣豈君子詞乎按鄭氏仍本考異郵說所謂襄公大  
 辱師敗于泓徒信不知權譎不足以交鄰國定遠疆是也何  
 氏所不取經義述聞云傳謂以不教民戰非謂教而不用也  
 不觀敵為策又不用其臣之謀義在戰泓傳非此傳不葬之  
 義也論語里仁為美子曰苟志於仁矣無惡也戴氏望注云言

人果志在於仁則君子不加惡宋襄伯雖不成春秋子之以其猶有憂中國尊周室之心也○注襄公至微封○上九年宋公禦說卒傳云何以不書葬為襄公諱也波注云襄公背殯出會宰周公有不子之惡後有征齊襄中國尊周室之心功足以除惡故諱不書葬是不書其父葬也通義云春秋之法許人子者必使子本以襄公背殯故桓公不書葬今若更葬襄公則是揚子抑父非教孝之道故亦不書葬以足成其諱義蔡丘之會有宋子而禦說慈父再世不書葬溫之會有陳子而款朔亦再世不葬屬詞比事孰有灼著於此矣舊疏云以後諱加微封謂以至功薄微故加而為之諱而封之其封字亦有下句讀之非也○注內娶至之也○下二十五年宋殺其大夫傳何以不名宋三世無大夫三世內娶也注三世謂慈父王臣處曰也文七年夏四月宋公王臣卒注不日者內娶略之然則此亦內娶而書不從略故為功覆之也

### 秋楚人伐陳

冬十有一月杞子卒

**注**

卒者桓公存王者後功尤美故為表異

卒錄之始見稱伯卒獨稱子者微弱為徐莒所脅不能死位

春秋伯子男一也辭無所貶貶稱子者春秋黜杞不明故以

其一等貶之明本非伯乃公也又因以見聖人子孫有誅無

絕故貶不失爵也不名不日不書葬者從小國例也疏注卒

錄之○上十四年諸侯城緣陵傳孰城之桓公城之是存王

者之後功尤天於邢衛故錄其卒為表異桓公之功也舊疏

云正所以傳聞之世小國之卒未合書見故解之○注始見

稱伯○舊疏云即莊二十七年冬杞伯來朝是也○注卒獨

至死位○即上十四年傳云曷為城杞滅也孰滅之蓋徐莒

齊之責其不能死位也者國君死社稷微齊則國為徐莒國

矣○注春秋至所貶○桓十一年傳云杞見春秋稱伯此書

子伯之與子春秋合為一杞伯從伯而子仍一等故云辭無

所貶○注貶稱至公也○舊疏云春秋之前周王舊有黜陟

之法隱元年儀父稱字上十七年英氏稱氏之類今杞公之

爵雖為伯仍恐春秋之前周王黜之非為新周故曰不明然

則莊二十七年稱伯者春秋所黜已降稱伯故以此止可以一

等貶之也繁露三代改制云以春秋當新王不以杞侯弗同

玉者之後也稱子又稱伯何見殊之小國也明與諸小國殊

春秋之小國也若本為伯爵今再貶則當從失爵例矣鄭氏

詩魯頌譜云周尊魯巡守述職不陳其詩又商頌譜云問者

公羊茂疏三十四

曰列國政義則變風作宋何獨無乎曰有焉乃不錄之王者  
 之後時王所客也述守述職不陳其詩亦示無貶黜客之義  
 明杞為二王後於義無黜黜者春秋以春秋當新王新周故  
 宋故黜杞為小國又以其微弱不能死位故貶之所謂因其  
 可貶而貶之也○注又因至爵也○五經通義云二王之後  
 不考功有誅無絕白虎通攷黜云二王後不貶黜者何尊賓  
 客重先王也以其尚公也罪惡足以絕即絕更立其次周公  
 誅祿甫立微子漢書梅福傳亦云二王後犯誅絕之罪者絕  
 而更封他親為始封之君上承其王之祀所謂有誅無絕  
 也詩魯頌譜又云周之不陳其詩為優耳其有大罪侯伯監  
 之行人書之亦示覺也是亦有誅無絕之義蓋用以周公之  
 政等魯於二王後故也舊疏云若有過但誅責不絕去其爵  
 是以雖微弱見貶仍從伯至子不失其爵也○注不名至  
 例也○上四年許男新臣卒秋葬許穆公注得卒葬於所傳  
 問世者許大小次曹故卒少在曹後也此不名不日不卒葬  
 所傳問世小國如此蓋又降於曹許矣左傳曰書曰子杞夷  
 也彼疏引膏肓難之云杞子卒豈當用夷禮死乎通義云王  
 者之封四夷雖大日子故用夷禮者即以夷爵言之左氏唯  
 於杞見春秋有貶絕諸侯之法得與公羊相證明此既無傳  
 就取其說焉非何氏義然杞於春秋亦不得為大國也春秋  
 故即以國小  
 國貶之

二十有四年春王正月

夏狄伐鄭

秋七月

冬天王出居于鄭疏

水經注河水篇汜水又北流注于河征鄭

也余按先儒之論周襄所謂步汜口之芳草帛周襄之鄙館是  
水名原夫致謬之由俱以汜鄭為名故也大事表云南汜水  
在今許州府襄城縣南京相璠曰南汜水  
出襄城縣以周襄王出居於此故名襄城

王者無外此其言出何注据王子取奔晉不言出

疏漢書終

故春秋王者無外獨斷上天子無外以天下為家故稱天家  
故据以難○注据王至言出○襄三十年王子殺奔晉是不  
言出不能乎母也注不能事母罪莫大於不孝故絕之言出

也下無廢上之義得絕之者明母得廢之臣下得從母命疏

經義述聞云能與柔義相近詩民勞柔遠能邇箋能猶也  
安遠方之國順伽其近者伽與如古字通是能為如頰之意

猶周自言安擾爾能與而古字通彖傳宜建侯而不甯鄭本  
而作能云能猶安也漢書百官公卿表柔速能通師古曰能  
善也安善二義並與順伽相近古者謂相善為相能康誥不  
能厥家人傳九年左傳入而能民文十六年左傳蔡侯獲罪於其君  
夫至於君祖母以及國人昭十一年左傳蔡侯獲罪於其君  
而不能其民三十一年左傳言不能外內也公羊言不能乎  
母也宣十一年穀梁傳輔人之不能民而討並與柔遠能迺  
之能同某氏杜預等皆不得其解○注不能至出也○周本  
紀云初惠后欲立王子帶故以黨開翟人翟人遂入周襄王  
出奔鄭鄭居王下汜漢書杜鄴傳周襄王內迫惠后之難而  
遭居鄭之危按如左氏則惠后廢嫡立庶襄王不能順從似  
未可全以為罪公羊謂不能乎母當別有謂霍光傳五辟之  
屬莫大不孝周襄王不能事母春秋曰天王出居于鄭由不  
孝出之絕之於天下也嚴助傳助上書稱天王出居于鄭由不  
侯朔入于衛皆是也占經引鉤命決曰周襄王不能事其母  
字入北斗御覽引作替入斗亡其度新語無為云周襄王不  
能事後母出居于鄭而下多叛其親臨鐵論孝養云周襄王  
之母非無酒肉也衣食非不如曾管也然而彼不孝之名以  
其不能事其父母也又云周襄王富有天下而有不能其母  
之累注夏侯勝曰五辟之屬莫大不孝周襄王不能事母○  
注下無至母命○繁露精華云出天上不為不尊上穀梁傳  
天子無出出失天下也注引江熙曰天子必巡守然後行故

河陽之守全天王之行也平王東遷其詩不能復雅而列爲  
國風襄王奔鄭不得全天王之行則與諸侯不異故書出也  
舊疏引鄭發墨守云聖人制法必因其事非虛加孟子曰夫  
人必自侮而後人侮之家必自毀而後人毀之國必自伐而  
後人伐之今襄王實不能孝道稱慮后之心令其寵專於子  
帶失教而亂作出居于鄭自絕于周故孔子因其自絕而書  
之公羊以母得廢之則左氏已死矣劉氏達祿解詁箋云按  
據左氏事說經此鄭君之學不得以難何氏但公羊引魯子  
之說本存疑詞意亦以爲春秋得絕之非云母得廢于臣下  
得以母命廢天子也婦人有三從之義王子有行遜之權貴  
戚且不得專廢置而謂臣下得易位乎稱母命廢立者趙盾  
之私心而霍光王莽祖之以亂漢者也春秋爲撥亂而作豈  
反開亂賊之門乎書出居者猶公孫于齊居于運之義非謂  
隱如得逐君也穀梁子謂失天下鄭氏謂因其自絕書之得  
矣書居于鄭者明諸侯當憂勤反正之與王室亂天王居于  
狄泉同義故晉文定王從常事不書例也按孟子言貴戚之  
卿得易位果已犯絕臣下何不可奉君母命廢之若謂開後  
世亂賊之門則不懿服堯舜卓溫服伊尹能歸咎於先聖乎

魯子曰是王也不能乎母者其諸此之謂與注猶曰是王也

無絕義不能事母而見絕外者其諸謂此灼然異居不復供

養者與主書者錄王者所居也疏通義云傳稱所聞于師魯

與母不相得者其即此出居于鄭之王與蓋不能乎母之愛

弟即為不能乎母與左氏無錯義亦通包氏慎言云魯子之

言舉天子以傲諸侯也人君之貴慰母之愛有所溺而憤憤

以出不復供養母是自絕於母也春秋因其自絕而絕之天

子且然則諸侯不待言矣鄭發墨守云襄王實不能孝道稱

惠后之心令其寵專於子帶失教亂作出居自絕孔子因而

絕之稱是而論則鄭莊之克段取諸母之懷而殺之不孝更

甚於襄王罪更宜絕按鄭氏雜取三家自與公羊此義相發

○注其諸至者與○舊疏云公羊謂此天王出居于鄭不事

其母而自出居于鄭春秋惡其所為是以書出以絕之實非

出奔故云灼然異居不復供養者與○注主書至居也○穀

梁傳曰居者居其所也雖失天下莫敢有也按與書公在楚

公在乾侯同義

晉侯夷吾卒注篡故不書葬明當絕也不日月者失眾身死子

見篡逐故略之猶薛伯定也疏篡故至絕也○舊疏云以惠

之按桓十三年葬衛宣公以隱四年書衛人立晉篡明也莊

二十五年衛侯朔卒注篡明當書葬不葬者犯天子命與盜



國同爲莊六年已書入故爲篡明也然書葬者臣子之事篡君本臣子所得其討今得國而終不與其有臣子也○注不日至定也○上十七年冬十有二月乙亥齊侯小白卒是大國之卒例書日月也此不日故解之上十年傳注云懷公者惠公子也惠公卒懷公立而秦納文公故出奔是子見篡逐也失眾身死者上十五年獲晉侯穀梁傳晉侯失民矣蓋取彼爲義辭伯定卒見定十二年彼注云不日月者子無道當廢之而以爲後未至三年失眾見弑危社稷宗廟禍端在定故略之是與晉侯立懷公爲後致爲晉文篡逐同辭小國得引以例晉者所見世小國卒葬皆月日也

二十有五年春王正月丙午衛侯燬滅邢疏包氏慎言云正月

日按宜二十一日繁露滅國下云齊桓卒晉習易牙之亂作邢與狄伐其同姓取之其行如此雖爾親庸能親爾乎是君也其滅於同姓衛侯燬滅邢是也蓋衛滅同姓固當絕邢亦有取滅之道也

衛侯燬何以名注据楚子滅蕭不名疏注据楚至不名○宣

也舊疏云以此言之則知公羊何氏以爲齊人滅萊楚滅陳晉滅下陽之屬皆非同姓是以不名耳然則楚滅蕭不名豈以其夷絕曷爲絕之注据俱滅人滅同姓也注絕先祖支體略之與

尤重故名甚之也日者為魯憂內錄之疏注絕先至之也

者不絕衛侯燬滅同姓獨絕賤其本祖而忘先也禮記曲禮

云滅同姓名注絕之穀梁傳燬之名何也不正其伐本而滅

同姓也注絕先祖支體尤重故名以甚之取此為說○注日

者至錄之○上二十四年左傳富辰曰凡蔣邢茅胙祭周公

之允也是邢與魯尤親故為魯憂內錄之通義云謹案滅同

姓名唯謂滅周之同姓若齊之於萊楚之於隗彼雖自為同

姓而於王家則為庶姓罪猶差輕繁露曰周之子孫其親等

也而文王最先文王周公康叔之所自出也邢又周公之後

春秋立愛自親立敬自尊以親則莫如邢以尊則莫如王之

同姓燬滅親無王是以惡而絕之凡滅日者罪重於常滅按

滅同姓名自謂滅己之同姓耳人各有先祖支體何分於周  
之同姓庶姓春秋因事見義特於衛之滅邢示法非謂齊滅  
萊楚滅隗為無罪也又邢與魯同出春秋王魯於邢滅尤當  
憂故為內錄辭不然晉人執虞公虞雖有罪謀肇於晉連滅  
二同姓國不當絕乎滅例月莊十年  
冬十月齊師滅譚是也此日故解之  
夏四月癸酉衛侯燬卒疏包氏慎言云夏四月  
書癸酉月之二十日

宋蕩伯姬來逆婦

宋蕩伯姬者何蕩氏之母也注蕩氏宋世大夫疏注蕩氏至

諸意諸之後以蕩為氏孫以王父字為氏則當字蕩也其

言來逆婦何注據莒慶言逆叔姬連來者嫌內女為殺直來

也疏注據莒至來也○莊二十七年莒慶來逆叔姬是也舊

言逆婦何而連來言之者正以伯姬是內女嫌經言來為殺

直來之恥非實逆婦是以連來問之似若上五年杞伯姬來

朝其子傳云其言來朝其子何彼注云連來者問為直來乎

為下朝出之類其直來者即莊二十七年冬杞伯姬來傳其

言來何直來曰來注直來無事而來也是也兄弟辭也其稱婦何有姑之辭也注

宋魯之間名結婚姻為兄弟稱婦者見姑之辭以逆實文知

不殺直來也主書者無出道也疏注宋魯至兄弟○周禮大

三日聯兄弟注兄弟婚姻嫁娶也儀禮士昏禮見主婦注見

父致命女氏曰某之子有父母之喪不得嗣為兄弟使其致

命注必使人弔者未成兄弟穀梁宣十年齊人歸我濟西田

傳公娶齊以爲兄弟反之注齊由是以婚族故還魯田又  
 下三十一冬祀伯姬來求婦傳言其來求婦何兄弟辭也  
 皆指兄弟爲婚姻推之凡父母之黨皆稱兄弟詩小雅伐木  
 兄弟無遠箋兄弟父之黨母之黨外姻之服不過總麻以尊  
 加以名加者始至小功因謂同姓小功以下爲兄弟詩王風  
 葛藟終遠兄弟箋兄弟猶言族親也禮士冠禮兄弟畢袵元  
 注兄弟主人親戚也既夕記兄弟猶言族親也又云凡妾爲私兄  
 之子于兄弟降一等注兄弟猶言族親也又云爲人後者于兄弟  
 弟如邦人注私兄弟目其族親是也又云爲人後者于兄弟  
 降一等報于所爲後之兄弟之子若子兄弟皆在他邦降一  
 等不及知父母與兄弟居加一等禮記檀弓小功不稅則  
 遠兄弟終無服也又云間遠兄弟之喪奔喪聞遠兄弟之喪  
 皆謂本宗小功以下之親由外姻皆小功故通稱之也禮聘  
 禮若兄弟之國則問夫人注兄弟謂同姓若婚姻甥舅有親  
 者既夕禮兄弟歸奠可也注兄弟有服親者喪服記夫之所  
 爲兄弟服禮記奔喪與諸侯爲兄弟有服親者喪服記夫之所  
 姻在異國者左氏襄三年傳寡君願與一二兄弟相見注列  
 國之君相謂兄弟此兄弟兼宗族母黨妻黨言之也是以爾  
 雅釋親有云夫之黨爲婚兄弟妻之黨爲姻兄弟也俞氏  
 云二十年郟子來朝傳曰何以不名兄弟辭也解詁曰魯之  
 同姓文十二年盛伯來奔傳何以不名兄弟辭也解詁曰與  
 郟子同義以彼例此則兄弟非謂婚姻也何氏此解殆失之

矣今按隱年紀履綸來逆女傳曰然則紀有母乎曰有有  
則何以不稱母母不通也可知婦人無外事不得通於他國  
蕩伯姬乃蕩氏之母而得言來逆婦者以其本魯女也故曰  
兄弟辭也與部盛一律不得輒為異說又三十一年杞伯姬  
來求婦傳文與此同杞伯姬亦魯女也按俞氏專以兄弟屬  
同姓泥矣○注婦者見姑之辭○穀梁傳曰其曰婦何也緣  
姑言之之辭也杜云稱婦姑存之辭詩衛風氓云三歲為婦  
箋有舅姑曰婦顏氏家訓書論云婦是對舅姑之稱通義云  
此所逆女蓋伯姬之姪然婦人外成故正其姑婦之稱也○  
注以逆至來也○決莊二十七年書杞伯姬來也實來逆婦  
知非無事來也○注主書至道也○穀梁傳婦人既嫁不踰  
竟宋蕩伯姬來逆婦非正也繫露玉英云婦人無出境之事  
經禮也母為子逆婦奔喪父母變禮也按彼云春秋有經禮  
有變禮為如安性平心者經禮也於性雖不安於心雖不平  
於道無以易之此變禮也明乎經變之事然後知輕重之分  
可與適權矣則何董並無譏文但春秋所不于耳通義云主  
書者譏娶母黨且姑無逆婦之禮按白虎通嫁娶篇外屬小  
功以上不得娶也以春秋傳譏娶母黨也考三傳皆無此語  
此書蕩伯姬來逆婦姪其從姑明其即譏娶  
母黨下三十一年杞伯姬來求婦與此同

宋殺其大夫

何以不名注

据宋殺其大夫山名

疏

注据宋至山名

宋三世

無大夫三世內娶也注

三世謂慈父王臣處曰也內娶大夫

女也言無大夫者禮不臣妻之父母國內皆臣無娶道故絕

去大夫名正其義也外小惡正之者宋以內娶故公族以弱

如黨益彊威權下流政分三門卒生篡弒親親出奔疾其未

故正其本

疏引何君廢疾云曹殺其大夫亦不稱名姓豈可

復以為祖乎鄭釋之曰宋之大夫書子姓禮公族有罪刑于

甸師氏不與國人慮兄弟也所以尊異之孔子之祖孔父累

於宋廢公而死今骨肉在其位而見殺故尊之隱而不忍稱

名氏若罪大者名之而已使若異姓然此乃祖之疎也曹殺

其大夫自以無大夫不稱名氏耳春秋辭同事累者甚多隱

去師位為見讓莊去師位為繼統是復可以此例非之子劉

氏申何云宋之大夫未必孔父之後且春秋非孔子家乘公

族致刑之義託公牙卒見之司城來奔復何所隱而不忍

稱名氏乎稱名氏使若異姓緣飾宋殺山之文言之非經道

也注三世至曰也宋世家云桓公三十一年春卒太子

茲甫立是為襄公十四年夏襄公病傷于泓而竟卒子成公  
王臣立十七年成公卒成公弟禦殺太子及大司馬公孫固  
而自立為君宋人共殺君禦而立成公少子杵臼是為昭公  
杵臼之立與左傳少異○注內娶至義也○禮記坊記云諸  
侯不下漁色注謂不內娶於國中內娶國中為下漁色昏  
禮始納采謂采擇其可者也國君而內娶象猶捕魚然中納  
取之是無所擇白虎通王者不臣篇不臣妻父母何妻者與  
己為一體恭承宗廟欲得歡心上承先祖下繼萬世傳於無  
窮故不臣也又譏宋三世內娶於國中謂無臣也又嫁娶篇  
諸侯所以不得自娶國中何諸侯不得專封義不可臣其父  
母春秋傳曰宋三世無大夫惡其內娶也並用公羊為說後  
漢書李固傳今梁氏戚為椒房禮所不臣春秋諸侯之禮不  
得例諸後世通義云謹案禮諸侯不娶女於國中者杜漁色  
之漸也下漁色則不君妃族交政則不臣三世失禮君臣道  
喪故奪其君臣之辭示防亂于微以為後世戒春秋有非常  
之文必有非常之議蓋唯公羊得之俗儒未有非常之議其  
妄生訾辨宜矣杜預以殺大夫不名者為無罪泄冶卻宛甯  
有罪乎或以為闕文豈自僖迄文獨宋大夫三見而三闕也  
○注外小至其本○文七年左傳云樂豫曰公族公室之枝  
葉也若去之則無所庇蔭葛藟猶能瓦其本根故君子以為  
比是公族以弱之事也但左氏無內娶義耳舊疏云外小惡  
正之者所傳聞之世外小惡不書故也王臣處曰在所聞世

公羊義疏三十四  
三

故於此正其本  
鄂本末誤宋

秋楚人圍陳納頓子于頓疏大事表云頓今河南陳州府商水縣為頓國地商水舊名南頓縣水

經注頓水篇又東南過南頓縣北澗水從西來流注之澗水

於樂嘉縣入頓不至於頓頓故頓子國也周之同姓春秋納

頓子于頓是也地理志汝南郡南頓下云故頓子國姬姓應

劭曰頓迫于陳其後南徙故號南頓故城向在杜云頓迫於

陳而出奔楚故楚圍陳以納頓子亦以納頓為楚事唯穀梁

云蓋納頓子者陳也彼疏引廢疾云休以為即陳納之當舉

陳何以不言陳鄭君釋之曰納頓子固宜為楚也穀梁見經

云楚人圍陳納頓子于頓有似晉陽處父伐楚救江之文故

云蓋陳也按穀梁自以納頓為陳事鄭君特欲為調人耳故

劉氏申何云陳納之即不舉陳當加陳人執頓子等文以起

之救江亦晉非楚引之欲以何明也然則鄭氏亦知穀梁義

難通故為此說范氏云圍陳使納頓子亦同鄭義欲牽合公

左而又增一使字  
通經無此例也

何以不言遂注据楚子鄭人侵陳遂侵宋疏注据楚至侵宋  
鄭人侵陳遂兩之也注微者不別遂但別兩耳別之者惡國  
侵宋是也



家不重民命一出兵為兩事也納頓子書者前出奔當絕還

入為盜國當誅書楚納之與之同罪也主書者從楚納之頓

子出奔不書者小國例也不見挈者故君不可見挈於臣疏

注微者至兩耳○校勛記出遂但別兩耳云鄂本同閔監毛

本兩下衍稱字此本下復衍別兩耳三字皆當刪正按下二

十入年疏引亦有稱字宣元年注云微者不得言遂遂者楚

子之遂也据左傳為令尹子玉是為微者故不得別遂也校

勛記以遂屬下讀非若然莊十九年公子結媵陳人之婦于

鄭遂及齊侯宋公盟得言遂者彼自以竟外有利國家之事

亦權許之也杜云不言遂明一事也孔疏引此傳云一舉兵

而行此兩意非因前生後按公羊與左氏同者圍陳納頓皆

楚也與左傳異者公羊以大夫無遂事故不言遂而兩之左

氏以非因前生後故不言遂爾通義云實兩事非遂事也不

再言楚人者嫌致開意也但不言遂兩事明矣○注別之至

事也○如公羊義則圍陳自圍陳納頓子自納頓子既非因

頓子圍陳亦非圍陳以納頓子矣○注納頓至罪也○桓十

六年云衛侯朔出奔齊注名絕之莊六年衛侯朔入于衛傳

名絕之其言入何篡辭也是也莊二十五年衛侯朔卒住去

葬與盜國同明失眾出奔皆當坐絕則還入為盜國當誅也

下二十八年衛侯鄭自楚復歸于衛注名者轉天子歸有罪也故楚納頓應同罪○注主書至納之○下二十八年注又云言自楚者為天子諱也此不書所自明以罪楚納有罪也○注頓子至例也○舊疏云春秋之例小國出入不兩書桓十五年許叔入于許注云不書出時者略小國是例也通義云不見頓子出奔者所聞之世小國之若非滅國出奔猶未得書何氏無此義○注不見至於臣○莊九年公伐齊納糾傳何以不稱公子注据下言于糾知非當國本當去國見擊言公子糾然則此若作挈文宜書楚人納某于頓去其國矣今書納頓子知不見挈於楚人矣挈者桓十一年突歸于鄭傳突何以名挈乎祭仲也注挈猶提挈也本當書鄭突春秋去其國明見挈于祭仲所以賤突也彼為君見挈于臣與此異也楚稱人知非楚子矣通義又云納不言伐者得入之辭也諸納或見國名于下若接藩是或見國名于上若糾及蒯聩皆是唯此再言頓者納若正也與使有頓之辭也然納糾得正何以不與使有國辭蓋書于頓者頓子已得國故與歸邾婁于益同例糾聩皆未得國故不得言于齊于衛捷箭書于某故下言弗克納明其未得國也

葬衛文公注不月者滅同姓故奪臣于恩也疏注不月至恩也

月葬衛宣公明大國葬皆書月此不月故解之滅同姓當絕故不與有臣子為葬者生者事也故也

冬十有二月癸亥公會衛子莒慶盟于洮注莒無大夫書莒慶

者尊敬婿之義也洮內地公與未踰年君大夫盟不別得意

雖在外猶不致也疏包氏慎言云十二月書癸亥月之二十

先君已葬成公猶稱子者明不失子道也杜云善其成父之

志故上繫於父而稱子按公羊例既葬稱子踰年稱公故顧

氏炎武補正云衛文公已葬成公稱子者未踰年也春秋之

例踰年即位然後稱公文十八年六月癸酉葬我君文公冬

十月子卒是稱爵稱子繫乎踰年未踰年而不在乎葬與未

葬也解誤○杜莒無至義也○莊二十七年莒慶來逆叔姬

傳大夫越竟逆女非禮也是莒慶內婿也爾雅釋親云女子

子之夫為婿說文士部婿女也从士胥聲詩曰女也不爽

士貳其行士者夫也徐鍇通論婿者胥也胥有才智之稱也

亦謂之甥釋親又云妻之父為外舅妻之母為外姑注謂我

舅者吾謂之甥孟子帝館甥於貳室是也以婿為外姻故客

待之也方言秦晉之間婿謂之倩郭注言可借倩也今俗呼

婿為卒便是也莒無大夫者所傳聞世小國無大夫也○注

洮內地○杜云洮魯地○注公與至致也○莊六年注云公

與二國以上出會盟得意致會不得意不致此則未踰年

君一則大夫故不別得意與否皆不致也洮為內地本不致

何氏言此者明雖在外亦不致也定十二年書公至自圍成亦內邑書致者彼注云天子不親征下土諸侯不親征叛邑公親圍成不能服不能以一國為家甚危若從他國來故危錄之然則彼為不能服叛為危辭故成雖內邑亦致也通義云穀梁傳曰莒無大夫其曰莒慶何也以公之會目之也明年盟于向傳曰公不會大夫其曰甯邲何也以其隨莒子可以言會也蓋公專會大夫則貶大夫曰人公與諸侯俱會大夫則自言其名氏正以諸侯在焉不嫌使大夫敵公故反得從乎內而貴錄之也事若相錯意實相成按甯邲大國大夫故如彼解此莒小國書慶故如此解也

二十有六年春王正月己未公會莒子衛甯邲盟于向疏左氏邀作速按速邲字同左氏莊十九年傳石速周語作石邲定十四年左傳謂戲陽速曰史記衛世家作戲陽邲說文是部速疾也邲籀文从敕是邲速古今文也故襄十六年左傳孺子速釋文速本亦作邲是也包氏慎言云正月無己未二月於麻宜為十日

齊人侵我西鄙

公迫齊師至雋弗及疏左氏作鄆公毅作雋省文也左傳釋文亦作雋說文邑部鄆東海之邑从邑雋

聲杜云齊北穀城縣西自地名鄆下大事表云在今秦安府東阿縣西南趙氏曰鄆齊之附庸紀季之邑焦氏循左傳補疏云莊三年紀季以鄆人于齊注鄆紀邑在齊國東安平縣紀在齊東鄆為紀邑則亦在齊東魯在齊南魯追齊至鄆則鄆必近魯一屬安平一屬穀城杜注是也大事表引趙氏說非是一統志嚮下聚在秦安府東阿縣西南差繆略云嚮公羊左氏或作鄆釋文嚮戶圭反又似究反盧氏文昭云本或作嚮故有似究一音

其言至嚮弗及何注据公追戎于齊西不言所至又不言弗

及疏注据公至弗及○見莊十八年左傳本侈也注侈猶大

也大公能卻強齊之兵弗者不之深者也言齊人畏公士卒

精猛引師而去之深遠不可得及故曰侈不直言大之者自

為追唯臣子得褒之耳不得與追戎同也言師者侈大公所

追也國內兵不書而舉地者善公齊師去則止不遠勞百姓

道復取勝得用兵之節故詳錄之疏注侈猶至之兵○集韻

吳語以廣侈吳王之心注侈大也禮記雜記其衰侈袂注侈  
 猶大也鄂本強作疆○注弗者至者也○段氏玉裁尚書撰  
 異云弗與不古義略同而淺深有別如雖有嘉肴弗食不知  
 其旨也雖有至道弗學不知其善也可證弗不之不同矣二  
 字古音亦遲庭遠甚弗在脂微部不在之哈部而轉入尤部  
 絕不相假借也不字之不可入物韻猶弗字之不可入尤韻  
 也集韻始誤認爲一字不字下云分物即通作弗許季宣書  
 古文不問弗不字皆作亞夫亞字本即說文之左戾右戾兩  
 字之合則與弗同音可矣何以不亦作亞也不亦作亞則尙  
 書有弗而無不也而語言之輕重全不可問矣接孔子世家  
 云弗乎弗乎蓋不可之深也○注言齊至曰侈○此言書弗  
 不書不義○注不直至同也○莊十八年公追戎于濟西傳  
 其言追何大其爲中國追也此未有伐中國者則其言爲中  
 國追何大其未至而豫禦之也其言于濟西何大之也注大  
 公除害恩及濟西也言大者當有功賞也蓋彼爲中國追於  
 王法當賞故大之此自爲追唯臣子褒詞故言侈也繁露仁  
 義法云仁者愛人之名也鄙傳無大之詞自爲追則善其  
 所卹遠也兵已加焉乃往救之則弗美未至豫備則美之善  
 其救害之先也夫救早而先之則害無由起而天下無害矣  
 然則觀物之動而先覺其萌絕亂塞害於將然而未形之時  
 春秋之志也其明至矣非堯舜之智知禮之本孰能當此故  
 救害而先知之明也公之所恤遠而春秋美之詳其美恤遠

之意則天地之間然後快其仁矣非三王之德選賢之精孰能如是○注言師至追也○舊疏云正以上言齊人侵我西鄂下言公追齊師與上文異故也通義云謹案以公而追人則卑公矣故其義可言公追齊師不可言公追齊人春秋釋名之慎有如此者穀梁傳其侵也曰人其追也曰師以公弗及大之也與此傳義同○注國內至錄之○校勘記出錄詳云鄂本作詳錄此誤例定十二年注云天子不親征下上諸侯不親征叛邑故春秋之例封內用兵不書也襄十二年季孫宿師師救台遂入運書者彼注云討叛也封內兵書者為遂舉討叛惡又十五年公救成書者彼注云公親圍成不能以一張本定十二年書圍成者彼注云公親圍成不能以襄十五年為家甚危故危錄之此亦封內用兵而書地故解之襄十五年至遇傳不敢進也注不言止次以刺之者量力不貴重民也故與至樹同文蓋此為可追而不追彼為不可進而不進皆為重民命故善之

夏齊人伐我北鄙

**疏**大戴禮保傳篇盧注齊在魯北

衛人伐齊

公子遂如楚乞師

公羊義三十四

乞者何卑辭也

**疏**

校勘記出乞師者何云問監毛本同誤也唐石經鄂本無師字繁露精華云魯僖公以亂即位而

云乞者至若辭亦無師字繁露精華云魯僖公以亂即位而

知親任季子季子無恙之時內無臣下之亂外無諸侯之患

行之二十年國家安甯季子卒之後魯不支鄰國之患直乞

師楚耳僖公之情非輒不肖而國益衰危者何也以無季子

也以魯人之若是也亦知他國之皆若是亦知天下之皆若

是也曰乞師楚明其為卑辭矣一切經音義引蒼頡篇曰乞

謂行句也行句即求意故為卑辭公子遂左傳校勘記引惠

棟云遂世本作述述與遂古字通秦大夫西乞術本亦作遂

是曷為以外內同若辭注據春秋尊魯疏成十六年書晉侯

七年晉侯使荀息來乞師此為內乞師亦書是內外同辭也

○注據春秋尊魯○如桓十年傳內不言戰上三年公子友

如齊莅盟重師也注外內皆同卑其辭者深為與人者重之

之屬皆是重師也注外內皆同卑其辭者深為與人者重之

**疏**注深為至重之○下云師出不正曷為重師注據泓之戰

反戰不正勝故深責服人者也曷為重師注據泓之戰

不重師疏注據泓至重師○見上三十二年彼傳云宋公與

未畢濟而擊之宋公曰不可吾聞之也君子不厄人既濟未

畢陳有司復曰請迨其未畢陳擊之宋公曰不可吾聞之也



君子不鼓不成列已陳然後去宋公鼓之宋師大敗宋公守占敗師春秋大之故据以難師出不正反戰

不正勝也注不正者不正自謂出當復反戰當必勝兵凶器

戰危事不得已而用之爾乃以假人故重而不暇別外內也

稱師者正所乞名也乞師例時疏注不正至必勝○舊疏云

不正勝者不正自謂戰當必勝但何氏省文不復備言按穀

梁傳云何重焉重人之死也非所乞也師出不必反戰不必

勝故重之也通義云謹案正如貞觀之貞不正反者不常得

反也不正勝者不常得勝也經義述聞云謹案正之言定也

必也周官宰夫鄭注曰正猶定也考典以閏月定四時史記

五帝紀定作正齊語正卒伍修甲兵漢書刑法志正作定是

正與定同義師出不正反戰不正勝者言師之出也不能豫

定其得反其戰也不能豫定其得勝蓋敗亡亦事之常也穀

梁師出不必反戰不必勝是也不正者事不可必之謂非不

正其自謂反自謂勝也何注失之按何氏意亦以正如定解

解不正自謂猶言不定自謂不必自謂也○注兵凶至內也

○下公以楚師伐齊取穀梁傳云民者君之本也使長以其

死非其正也注引雍曰兵不祥之器不得已而用之安有

民於死地以其假借之役乎鹽鐵論論災云兵者凶器也甲

公羊義疏三十四

二

二

二

堅兵利為天下殃以母制子故能久長聖人法之嚴而不揚  
又論功云故兵者凶器不可輕用也其以強為弱以存為亡  
一朝爾也注晁錯曰兵凶器戰危事也以大為小以強為弱  
在俛仰之間耳○注乞例時○舊疏云正以文奉夏下又成  
十三年春晉侯使  
卻錡來乞師是也

秋楚人滅隗以隗子歸注不月者略夷狄滅微國也不言獲者

舉滅為重書以歸者惡不死位不名者所傳聞世見治始起

責小國略但絕不誅之疏左氏穀梁陳作夔夔隗同部段借

歸縣之南注云縣故歸鄉地理志曰歸子國也樂緯曰昔歸

典協聲律宋忠曰歸即夔歸鄉蓋夔鄉矣古楚之嫡嗣有熊

擊者以廢疾不立而居於夔為楚附庸後王命為夔子春秋

僖公二十六年楚以其不祀滅之者也又云江水又東南逕

夔城南跨踞川阜周迴一里百一十八步西北背枕深谷東

帶鄉谿南側大江熊摯始治巫城後疾移此蓋夔徙也春秋

楚子玉滅夔服虔曰在巫之陽秭歸鄉矣杜云夔楚同姓  
國今建平秭歸縣史記索隱引譙周古史考作滅歸大事表  
云今湖廣宜昌府歸州治東二十里有夔子城為楚所分之  
夔國熊摯之仁熊摯有疾弗得立而避居國都者也惠氏棟

左傳補注云古史考云滅歸太康地理志歸鄉故夔子國尚  
 書中候伯禹誦首讓于益歸鄭注益歸賢者堯臣歸讀曰夔  
 方與紀要云夔子城在歸州東二十里名勝志地名夔○注  
 不月至國也○莊十年冬十月齊師滅譚十三年夏六月齊  
 人滅遂皆月此不月故解之○注不言至為重○決上十五  
 年書獲晉侯也彼舉君獲為重故不言師此以國滅為重故  
 不言君獲也明楚當坐滅不坐獲也孟子盡心下民為貴社  
 稷次之君為輕○注書以至死位○襄六年齊侯滅萊傳曷  
 為不言萊君出奔國滅君死之正也以歸與被獲同為責不  
 死位也禮記曲禮曰國君死社稷○注不名至誅之○舊疏  
 云上二十三年杞子卒下注云又以見聖人子孫有誅無絕  
 似誅輕絕重此注云但絕不誅云又以見聖人子孫有誅無絕  
 責之誅若齒路馬有誅於予與何誅之類一誅絕之誅似  
 武王誅紂誅君之子不立之類則是上言有誅無絕聖人子  
 孫但有誅責不合絕去此言但絕不誅是上言有誅無絕聖人子  
 為君不合誅滅其國蓋所傳聞世責小國略也哀七年以不  
 婁子益來傳邾婁子益何以名絕之文言絕之則似書名為  
 歸傳蔡侯獻舞何以名絕之文言絕之則似書名為  
 絕今此云不名為絕者蓋絕亦有二義一絕去其身一  
 絕滅其國蔡侯獻舞何以名絕之文言絕之則似書名為  
 與夷狄獲中國故不書獲名蔡侯以起其合絕滅矣邾婁正  
 當所見之世為魯所獲春秋之義內獲人皆諱不書故名邾

婁子以起不死難當絕滅矣今此隗子既是微國又當所傳  
聞世若其書名恐如二君亦合絕滅故不名見責之略也但  
合一身絕  
去而已

### 冬楚人伐宋圍緡

邑不言圍此其言圍何刺道用師也注時以師與魯未至又

道用之於是惡其視百姓之命若草木不仁之甚也稱人者

楚未有大夫未聞稱師楚自道用之故從楚文疏穀梁緡作

國不言圍邑此其言圍何也以吾用其師日其事也非道用

師也注楚人出師為魯伐齊而中道以伐宋故伐圍兼書所

以責楚○注時以至甚也○繁露竹林云今戰伐之於民其

為害幾何攷意而觀指則春秋之所惡者不任德而任力驅

民而殘賊之故春秋於戰伐必一二書傷其害所重此假師

與魯已屬不仁復道用師是不仁之甚也○注釋人至稱師  
○校勘記出未聞稱師云閩監毛本誤也鄂本聞作得當據  
正文九年楚子使椒來聘傳椒者何楚大夫也楚無大夫此  
何以書始有大夫也是文九年始有大夫也然則上四年書  
屈完來盟于師下二十八年書得臣皆在椒前得書大夫者

上四年傳云屈完者何楚大夫也何以不稱使尊屈完也曷為尊屈完以當桓公也下二十八年注云楚無大夫其言大夫者欲起上楚人本當言子玉得臣所以詳錄霸事按隱五年傳云將卑師眾稱師將卑師少稱人知不從將卑師少例者彼据大國分別之楚夷在所傳聞世知不得据彼說○注楚自至楚文○舊疏云欲道下文公以楚師得稱楚師而此不得者以楚自道用之故從楚文也

公以楚師伐齊取穀注言以者行公意別魯兵也稱師者順上

文疏注言以至兵也○桓十四年宋人以齊人衛人蔡人陳人行宋意也故此以為行公意也鹽鐵論刑德云盜傷與殺同罪所以累其心而責其意也猶魯以楚師伐齊而春秋惡之故輕之為重淺之為深有緣而然法之微者固非眾人之所知也○注稱師者順上文○決上楚人伐宋不稱師也上云如楚乞師此故順之稱楚師

公至自伐齊

此已取穀矣何以致伐注据伐邾婁取費不致疏不致○見

下三十三年彼注云取邑不致者得意可知例正以春秋之例不得意致伐此伐齊取穀明得意矣書致伐故据以難

未得乎取穀也注未可謂得意於取穀疏謂雖取穀有危不

義述聞云謹案得非得意之謂也得猶便也見呂氏春秋注

辭篇注魯內虛而外乞師以犯強齊則後患將至穀雖已取

其計不便於魯也下文患之起必自此始也正發明魯計不

便之義故曰未得乎取穀也猶言未為計之得也此與莊六

年傳之言得意不得意者殊義不得据彼以說此又云言未

為計得也解者曰未可為得意於取穀則於得下增意字矣

按傳云何以致伐正据莊六年不得意致伐為問故答云未

得乎取穀言雖取穀仍未得意也遙為承應不必如王氏之

別生異曷為未得乎取穀注据俱取邑曰患之起必自此始

也注魯內虛而外乞師以犯強齊會齊侯昭卒晉文行霸幸

而得免孔子曰人之生也直罔之生也幸而免故雖得意猶

致伐也疏注魯內至得免鄂本強作疆齊侯昭卒見下二

盟踐土之屬是也繁謬隨本消息云先齊孝未卒一年魯倍

公乞師取穀晉文之威天子再致先卒一年魯倍公之心分

而事齊又云由此觀之所行從不足恃所事者不可不慎此亦存心榮辱之要也按下先卒一年涉上文衍分而事齊疑當作分而事晉蓋謂刺公子買不卒戍衛等也穀梁傳曰此其致之何也危之也注以蠻夷之師伐鄰近大國招禍深怨危亾之道與此傳同也說苑尊賢云季子卒後邾擊其南齊伐其北魯不勝其患將乞師於楚以取全身故傳曰患之起必自此始也繁露俞序云愛人之大者莫大乎思患而豫防之故蔡得意於吳魯得意於齊而春秋皆不告故次以言怨人不可通敵國不可狎攘竊之國不可使久親皆防患為民除害之意按不告疑不善之誤○注孔子至伐也○見論語雍也章集解包曰誣罔正直之道而亦生者是幸而免皇疏引李充曰失平生之道者則動之死地矣必或免之善由於幸耳故君子無幸而有不幸小人有幸而無不幸也明魯僖乞師伐齊不以道竟得免禍故曰幸也得意不致不得意致伐此雖得意取穀合不致仍作不得意解之也

皇清經解續編卷千二百二十二終

子汝恭校字  
丹徒陳慶年參校